

四庫全書

子部

欽定四庫全書

子部
證類本草卷八

詳校官太醫院恩糧_臣孔毓秀

編修_臣倉聖脈覆勘

總校官編修_臣王燕緒

校對官待詔_臣胡士震

謄錄監生_臣朱恩

繪圖監生_臣戴禹偁

欽定四庫全書

證類本草卷八

宋 唐慎微 撰

草部中品之上總六十二種

三十二種神農本草經

白字

四種名醫別錄

墨字

一種唐本先附

注云唐附

二種今附

皆醫家嘗用有効注云今附

一種新分條

二十二種陳藏器餘

凡墨蓋子已下並唐慎微續證類

乾薑

生薑

元附乾薑
下今分條

藁

私以切

耳實

倉耳也葉

附

葛根

汁葉
花附

葛粉

附今

栝樓

實莖
葉附

苦參

當歸

麻黃

通草

驚覆子通
脫木續注

芍藥

蠶禮實

音馬蘭子是也
花葉子附

瞿

音麥

葉續注

玄參

秦艽

音膠

百合

紅百合續注

知母

貝母

白芷

淫羊藿

仙靈脾是也

黃芩

狗脊

石龍芮

茅根

茅花茅針屋茅續注

紫菀

紫草

前胡

敗醬

白鮮皮

酸漿

根續注

紫參

藁本

實附

石韋

石皮瓦韋續注

葶藶

杜蘅

白薇

菰

蒲八切

契

葉八切葉續注

大青

女萎

唐附

石香菜

今附

二十二種陳藏器餘

兜納香

風延母

耕香

大瓠藤水

筋子根

土芋

優殿

土落草

猓菜

必似勒

胡面莽

海蘊

百丈青

斫合子

獨自草

金釵股

博落迴

毛建草

數低

仰盆

離高草

盧藥

乾

薑



乾薑味辛溫大熱無毒主胸滿欬逆上氣溫中止血出汗逐風濕痺腸澼下痢寒冷腹痛中惡霍亂脹滿風邪諸毒皮膚間結氣止唾血生者尤良

臣禹錫等謹按唐本又云治風下氣

止血宣諸絡脈微汗久服令眼暗

圖經

文貝生薑條下

外臺秘要

治瘡不痊乾薑高良薑等分為末每服一錢水一中盞煎至七分服

又方

治卒心痛乾薑為末飲調下一錢

千金方

治鼻以乾薑末蜜和塞鼻中

肘後方

治陰易病身體重小腹急熱必衝膈頭重不能舉眼中生翳膝脛拘急乾薑四兩未易和溫

服覆取汗得解

又方

治寒痢切乾薑如大豆米飲服六七十枚日三夜一服痢青色者為寒痢累服得効

又方

治虎犬咬人乾薑末以內瘡中立差

又方

治蝎螫人嚼乾薑塗之

王氏博濟方

治瘡乾薑炒令黑色搗為末臨發時以溫酒調三錢服已發再服

廣利方

治諸蛇毒螫人欲死兼辟蛇乾薑硫黃等分同研用小絹袋盛繫臂上男左女右蛇聞藥氣逆

避人螫毒傳之

又方

治鼻衄出血乾薑削
令頭尖微煨塞鼻中

孫真人

治水瀉無度乾薑末
粥飲調一錢服立効

集驗方

治血痢神妙乾薑急於火內燒黑不令成
灰薨挽合放冷為末每服一錢米飲調下

又方

治咳嗽冷氣結脹乾薑為末熱酒
用半錢服兼治頭旋眼眩立効


傷寒類要

治傷寒婦人得病雖差未滿百日不可與男
交合為陰陽之病必拘急手足拳欲死丈夫


病名為陰易婦人名為陽易速當汗之可愈滿四日不
可療宜令服此藥乾薑四兩為末湯調頓服覆衣被出

汗得解手足
伸遂愈

溫州生薑



涪州生薑



生薑味辛微溫主傷寒頭痛鼻塞欬逆上氣止嘔吐久

服去臭氣通神明生犍為川谷及荊州揚州九月採秦

為之使殺半夏芫毒惡黃芩黃連天鼠糞陶隱居云
乾薑今惟出臨海章安兩三村解作之蜀漢薑夙美荊
州有好薑而並不能作乾者凡作乾薑法水淹三日畢
去皮置流水中六日更去皮然後曬乾置甕甕中謂之
釀也又云生薑歸五藏去痰下氣止嘔吐除風邪寒熱
久服少志少智傷心氣如此則不可多食長御有病者
是所宜爾今人服諸辛辣物惟此最常故論語云不徹
薑食言可常敢但勿過多爾唐本注云薑久服通神明
去風邪去痰氣生者尤良經云久服通神明即可常服
也今云少智少志傷心氣不可多食者謬為此說檢無
所據今注陶注生薑別出萊部韭條下今并唐本注移
在本條臣禹錫等謹按藥性論云乾薑臣味苦辛治腰

腎中疼冷冷氣破血去風通四肢關節開五臟六腑去
風毒冷痺夜多小便乾者治嗽主溫中用秦艽為使主
霍亂不止腹痛消脹滿冷痢治血閉病人虛而冷宜加
用之又云生薑使主痰水氣滿下氣生與乾並治嗽療
時疾止嘔逆不下食生和半夏主心下急痛若中熱不
能食擣汁和蜜服之又汁和杏仁作煎下一切結氣實
心胃擁隔冷熱氣神效蕭炳云生薑一名母薑孟詵云
生薑溫去痰下氣多食少心智八九月食傷神又冷痢
取椒烙之為末共乾薑末等分以醋和麴作小饅餤子
服二七枚先以水煮更稀飲中重煮出停冷吞之以粥
飲下空腹日一度作之良謹按止逆散煩悶開胃氣又
薑屑末和酒服之偏風汁作煎下一切結實衝胃膈惡
氣神驗陳藏器云生薑本功外汁解毒藥自餘破血調
中去冷除痰開胃須熱即去皮要冷即留皮日華子云
萍薑消痰下氣治轉筋吐瀉五藏冷反胃乾
嘔瘀血撲損止鼻洪解冷熱毒開胃消宿食

圖經曰

生薑生犍為山谷及荊州揚州今處處有之以漢州池州者為良苗高二三尺葉似箭竹葉而

長兩兩相對苗青根黃無花實秋採根於長流水洗過日曬為乾薑漢州乾薑法以水淹薑三日去皮又置流水中六日更刮去皮然後曝之令乾釀於瓮中三日乃成也近世方有主脾胃虛冷不下食積久羸弱成瘵者以溫州白乾薑一物漿水煮令透心潤濕取出焙乾搗篩陳廩米煮粥飲丸如梧子一服三五十枚湯使任用其效如神又千金方主痰癖以薑附湯治之取生薑八兩附子生用四兩四破之二物以水五升煮取二升分再服亦主卒風禁猪肉冷水崔元亮集驗方載勅賜薑茶治病方以生薑切如麻粒大和好茶一兩碗呷任意便差若是熱痢即留薑皮冷即去皮大妙劉禹錫傳信方李亞治一切嗽及上氣者用乾薑須是合州至好者皂莢炮去皮子取肥大無孔者桂心紫色辛辣者削去皮三物並別搗下篩了各秤等分多少任意和合後更

欽定四庫全書

卷八

搗節一過鍊白蜜和搜又搗一二千杵每飲服三五服禁
稍加大如梧子不限食之先後嗽發即服日三五服禁
食葱油鹹腥熱麵其效如神劉在淮南與李同幕府李
每與人藥而不出方或譏其吝李乃情話曰凡人患嗽
多進冷藥若見此方用藥熱燥即不肯服故但出藥多
效試之信然李卿換白髮方云刮老生薑皮一人升於
鐺中以文武火煎之不得令過沸其鐺惟得多油膩者
尤佳更不須洗刷便以薑皮置鐺中密固濟勿令通氣
令一精細人守之地色未分便湏煎之緩緩不得令火
急如其人稍疲即換人看火一復時即成置於甕鉢中
極研之李云雖曰一復時若火候勻即至日西藥成矣
使時先以小物點取如麻子大先於白鬚下點藥訖然
後拔之再拔以手指熟然之令
入肉第四日當有黑者生神效

食療

生薑溫去痰下氣除壯熱治轉筋心滿去胃中
氣通神明又胃氣虛風熱不能食薑汁半鷄

子殼生地黃汁少許蜜一匙頭和水三合頓服立差又
皮寒性溫作屑末和酒服治偏風又薑汁和杏仁汁煎
成膏酒調服或水調下
善下一切結實衝膈

外臺秘要

治霍亂注痢不止轉筋入腹欲死生薑
三兩搗破以酒一升煮三四沸頓服

又方

久患咳嗽連咳四五十聲者取生薑汁半
合蜜一匙頭煎令熟溫服如此三服立效

又方

治咳嗽生薑四兩爛搗入蘭香葉二兩椒末一錢
匕鹽和麴四兩裹作燒餅熟煨空心契不過兩三

度

又方

去燥糞生薑削如小指長二
寸鹽塗之內下部中立通

千金方

治乾嘔若手足厥冷宜食生薑此是嘔家聖藥
又治心下痞堅不能食胃中嘔噦生薑八兩細

切以水三升煮取一升半夏五合洗去滑以水五升煮取一升二味合煮取一升半稍服之

又方

治喉閉并毒氣生薑二斤搗汁好蜜五合慢火煎令相得每服一合日五服

又方

治產後穢污下不盡腹滿生薑二斤以水煮取汁服即出

肘後方

治霍亂心腹脹痛煩滿短氣未得吐下生薑一斤切以水七升煮取二升分作三服

維驗方

善治狐臭用生薑汁塗夜下兔根本

梅師方

治霍亂吐下不止欲死生薑五兩牛兒屎一升切薑以水四升煎取二升分溫服

又方

治腹滿不能服藥煨生薑綿裏內下部中冷即易之

孫真人

治小兒咳嗽用生薑四兩煎湯沐浴

孫真人食忌

正月之節食五辛以辟癘氣一日薑

又方

八月九月食薑至春多眼患損壽減筋力

食醫心鏡

治嘔吐百藥不差生薑一兩切如菰豆大以醋漿七合於銀器中煎取四合空腹和滓旋

叩之又生薑歸五藏理傷寒頭痛去痰下氣通汗除鼻塞欬逆上氣止嘔吐去骨熱消膈中氤氣除風邪傷寒調和飲食湯壺居士云薑殺腹內長蟲久食令人少智慧傷心性

兵部手集

治反胃羸弱不欲動母薑二斤爛搗絞取汁作撥粥服作時如葛粉粥法

楊氏產乳

胎後血上衝心生薑五兩切以水八升煮三升分三服

唐崔魏公

鉉夜暴亡有梁新聞之乃詐之曰食毒僕日常好食竹雞多食半夏苗必是半夏毒命生

薑換汁啟齒
而灌之活

衍義曰

生薑治暴逆氣噤三兩皂子大下熱定屢服屢
定初得寒熱痰嗽燒一塊含嚙之終日間嗽自

愈暴赤眼無瘡者以古銅錢刮淨薑上取汁於錢唇點
目熱淚出今日點來日愈但小兒甚懼不須疑已試良
驗

涂州菓耳



藁

私切

以耳實味苦甘溫葉味苦辛微寒有小毒主風頭

寒痛風濕周痺四肢拘攣痛惡肉死肌膝痛溪毒久服

益氣耳目聰明強志輕身一名胡藁一名地葵一名菹

施音

一名常思生安陸川谷及六安田野實熟時採

陶隱居云

此是常思菜僖土行切人皆食之以葉覆麥作黃衣者

一名羊負來昔中國無此言從外國逐羊毛中來方用

亦甚稀唐本注云蒼耳三月已後七月已前刈日乾為

散夏水服冬酒服主大風癰癩頭風濕痺毒在骨髓日

三服丸服二十三十丸散服一二七服滿百日病當出

如癰疥或癢汁出或斑駁甲錯皮起後乃皮落肌如癰

脂令人省睡除諸毒螫殺疔濕墜久服益氣耳目聰明

輕身強志主腰膝中風毒尤良忌食猪肉米泔亦主獠

狗毒今按陳藏器本草云葇耳葉按安舌下令涎出去
目黃好睡子炒令香搗去利使腹破浸酒去風補益又
燒作灰和臘月猪脂封丁腫出毒又連中子七枚燒作
灰投酒中飲之勿令知主嗜酒葉煮根之主狂狗咬臣
禹錫等謹按爾雅云卷耳蒼耳注廣雅云葇耳也亦云
胡藟江東呼為常葇或曰蒼耳形似鼠耳叢生如盤釋
曰詩周南云采采葇耳陸機疏云葉青白色似胡荽白
華細莖蔓生可煮為茹滑而少味四月中生子如婦人
耳瑞幽州人謂之爵耳藥性論云葇耳亦可單用味甘
無毒主肝家熱明目孟詵云蒼耳溫主中風傷寒頭痛
又丁腫困重生搗蒼耳根葉和小兒尿絞取汁冷服一
升日三度甚驗日華子云治一切風氣填髓暖腰脚治
瘰癧疥癬及瘡
痺入藥炒用

圖經曰

葇耳生安陸川谷及六安田野今處處有之謹
按詩人謂之卷耳爾雅謂之蒼耳廣雅謂之葇

耳皆以實得名也陸機疏云葉青白似胡荽白華細莖蔓生可煮為茹滑而少味四月中生子止如婦人耳瑤今或謂之耳瑤草鄭康成謂是白胡荽幽州人呼為爵耳郭璞云形似鼠耳叢生如盤今之所有皆類此但不作蔓生耳或曰此物本生蜀中其實多刺因羊過之毛中粘來遂至中國故名羊負來俗呼為道人頭實熟皆採之古今方書多單用治丁腫困甚者生搗根葉和小兒溺絞取汁令服一升日三度燒作灰和臘月猪脂封上須臾拔

出根愈

雷公云

凡採得去心取黃精用竹刀細切拌之同蒸從已至亥去黃精取出陰乾用

食療

拔丁腫根脚又治一切風取嫩葉一石切搗和五升麥藥團作塊於蒿艾中盛二十日狀成麴取米

一斗炊作飲看冷暖入蒼耳麥藥麴作三大升釀之封一十四日成熟取此酒空心暖服之神驗封此酒可兩

重布不得全密則溢
出又不可和馬肉食

聖惠方

治婦人風癢癰癰身痒不止用蒼耳花葉子等分搗羅為末豆淋酒調服二錢即愈

又方

治產後諸痢神效蒼耳葉搗絞汁溫服半中盛日三四服

外臺秘要

療熱毒病攻手足腫疼痛欲脫方取蒼耳汁以漬之

又方

救急療齒風動痛蒼耳一握以漿水煮入鹽舍

千金方

當以五月五日午時附地刈取莖耳葉洗曝燥持下篩酒若漿水服方寸匕日三夜三作散若

吐逆可蜜和為丸準計一方寸匕數也風輕易治者日再服若身體有風處皆作粟飢出或如麻豆粒此為風毒出也可以針刺潰去之皆黃汁出乃止五月五日多取陰乾著大瓮中稍取用之皆能辟惡若欲省病著病

者使服之令人無所畏若時氣不和舉家服之若病胃脹滿心悶發熱即服之并殺三蟲腸痔能進食一周年服之佳七月七九月九可採用之

千金翼

治身體手足卒瘕腫搏蒼耳傳之立效春用心冬用子

又方

治牙痛以蒼耳子五升水一斗煮取五升熱含之疼即吐吐後復含不過三劑差莖葉亦得

又方

治一切丁腫取蒼耳根莖和葉燒作灰以醋泔澆和如泥塗上乾即易不過十餘度即拔出其根

又方

治五痔方蒼耳莖葉以五月五日採乾為末以水服方寸匕立效

百一方

治卒得惡瘡以蒼耳桃皮作屑內瘡中佳

孫真人食忌

蒼耳合猪肉食害人

食醫心鏡

除一切風濕痺四肢拘攣蒼耳子三兩搗末以水一升半煎取七合去滓用

斗門方

治婦人血風攻腦頭旋悶絕忽死忽倒地不知人事者用喝起草取其嫩心不限多少陰乾為

末以常酒服一大錢不拘時候其功大效服之多連腦蓋善通項門今蒼耳是也

勝金方


治毒蛇并射工沙風等傷眼黑口喎手脚強直毒攻腹內成塊遠巡不救宜用此方蒼耳嫩葉

一握所取汁溫酒和灌之將滓厚罨所傷處

楊氏產乳

治誤吞錢葉耳頭一把以水一升浸水中十餘度飲水愈

成州葛根



海州葛根



葛根味甘平無毒主消渴身大熱嘔吐諸痺起陰氣解
諸毒療傷寒中風頭痛解肌發表出汗開腠理療金瘡
止痛脅風痛

生根汁大寒療消渴傷寒壯熱

葛穀主下痢十歲已上

葉主金瘡止血

花主消酒一名雞齊根一名鹿藿一名黃斤生汶山川

谷五月採根曝乾

殺野葛巴豆百藥毒陶隱居云即今之葛根人皆蒸食之當取入土中大

者破而日乾之生者搗取汁飲之解溫病發熱其花并
小豆花乾未服方寸七飲酒不知醉南康廬陵間最勝
多肉而少筋甘美但為藥用之不及此間爾五月五日
日中時取葛根為屑療金瘡斷血為要藥亦療瘡及瘡
至良唐本注云葛穀即是實爾陶不言之葛雖除毒其
根入土五六寸已上者名葛脰音豆脰頸也服之令人
吐以有微毒也根本之主獬狗齧并飲其汁良蔓燒為
灰水服方寸七主猴痺今按陳藏器本草云葛根生者
破血合瘡墮胎解酒毒身熱赤酒黃小便赤澀可斷穀
不飢根堪作粉臣禹錫等謹按藥性論云乾葛臣能治
天行上氣嘔逆開胃下食主解酒毒止煩渴熱屑治金
瘡治時疾解熱日華子云葛冷治背膈熱心煩悶熱狂
止血痢通小腸排膿破血傅
蛇蟲齧解暑毒箭乾者力同

圖經曰

葛根生汶山川谷今處處有之江浙尤多春生
苗引藤蔓長一二丈紫色葉頗似揪葉而青七

月著花似豌豆花不結實根形如手臂紫黑色五月五日午時採根曝乾以入土深者為佳今人多以作粉食之甚監人下品有葛粉條即謂此也古方多用根張仲景治傷寒有葛根及加半夏葛根黃芩黃連湯以其主大熱解肌開腠理故也葛洪治腎古對切腰痛取生根嚼之燕其汁多益佳葉生金刃瘡山行傷刺血出卒不可得藥但採葉傳之甚效正元廣利方金創中風瘞欲死者取生根四大兩切以水三升煮取一升去滓分溫四服口噤者灌下即差

食療

葛根蒸食之消酒毒其粉亦甚妙

聖惠方

治時氣頭痛壯熱用生葛根淨洗搗取汁一大盞豉一合煎至六分去豉不計時候分作二服

汗出即差無汗再服若心熱加梔子仁十枚同煎去滓服

又方

治小兒熱渴久不止用葛根半兩細剉水一中盞煎取六分去滓頻溫服

外臺祕要

治傷筋絕搗葛根汁飲之
葛曰屑熬令黃傳瘡止血

千金方

酒醉不醒搗葛根汁飲一二升便醒

肘後方

治卒乾嘔不息搗葛根絞取汁服一升差

又方

治金瘡中風痙欲死搗生葛根一斤吮咀以水一斗煮取五升去滓取一升服若乾者搗末溫酒調

三指撮若口噤不開但多服竹瀝又多服生葛根自愈食亦妙

又方

服藥失度心中苦煩飲生葛根汁大良無生者搗乾葛末水服五合亦可煮服之

又方

食諸菜中毒發狂煩悶吐下欲死煮葛根汁飲之

梅師方

治金中經脈傷及諸大脈皆血出多不可止血
冷則殺人用生葛根一斤剉以水九升煎取三

升分作
三服

又方

治虎傷人瘡取生葛根煮濃汁洗瘡
兼搗葛末末服方寸匕日夜五六服

又方

治傷寒初患二三日頭痛發熱葛根五兩香豉一
升細剉以童子小便六升煎取二升分作三服取

汗觸風食
蔥豉粥

又方

治熱毒下血或因喫熱物發動用生葛根
二斤搗取汁一升并藕汁一升相和服

廣利方

治心熱吐血不止生葛
根汁半大升頻服立差

傷寒類要

治傷寒有數種庸人不能分別今取一藥兼
治大行病若初覺頭痛內熱脈洪起至二日

取葛根四兩水一升內鼓一升
煮取半升服搗生根汁尤佳

又方

治妊娠熱病心悶取葛
根汁二升分作三服

衍義曰

葛根澧昂之間冬月取生葛以水中揉出粉澄
成漿先煎湯使沸後擘成塊下湯中良久色如

膠其體甚韌以蜜湯中拌食之擦少生薑尤佳大治中
熱酒渴疾多食行小便亦能使人利病酒及渴者得之
甚良彼之人又切入煮茶中以待賓但甘而無益又
將生葛根煮熟者作果賣虔吉州南安軍亦如此賣

葛粉味甘大寒無毒主壓丹石去煩熱利大小便止渴

小兒熱痞以葛根浸搗汁飲之良

今附臣禹錫等謹按
中品上卷葛根條功

用與此
相通

圖經

文見葛根條下

陳藏器

拾遺云用裹小兒熱瘡妙

聖惠方

治中鵝毒氣欲絕者用葛粉三合水三中盪調飲之如口噤者以物搗開灌之

又方


治肖中煩熱或渴心燥葛粉四兩先以水浸粟米半升經宿漉出與葛粉相半令勻煮熟食之

食醫心鏡

治小兒壯熱嘔吐不住食驚癇方葛粉二大錢以水二合調令勻瀉向鏹鑼中瀕側令遍

重湯中煮令熟以康飲相和食之

衡州栝樓



均州栝樓



栝樓根味苦寒無毒主消渴身熱煩滿大熱補虛安中
續絕傷除腸胃中痼熱八疸身面黃脣乾口燥短氣通
月水止小便利一名地樓一名果羸一名天瓜一名澤
姑

實名黃瓜主背痺悅澤人面

莖葉療中熱傷暑生洪農川谷及山陰地入上深者良

生鹵地者有毒二月八月採根曝乾三十日成

拘杞為之使惡

乾薑畏牛膝乾漆反烏頭陶隱居云出近道藤生狀如
土瓜而葉有叉毛詩云果羸之實亦施于宇其實今以

雜作手膏用根入土六七尺大二三圍者服食亦用之
唐本注云今用根作粉大宜服及虛熱人食之作粉如
作葛粉法潔白美好今出陝州者白實最佳臣禹錫等
謹按爾雅云果羸之實栝樓釋曰果羸之草其實名栝
樓郭云今齊人謂之天瓜日華子云栝樓子味苦冷無
毒補虛勞口乾潤心肺療手面皴吐血腸風瀉血赤白
痢並炒用又栝樓根通小腸排膿消腫毒生肌長
肉消撲損瘀血治熱狂時疾乳癰發背痔瘻瘡癰

圖經

曰

栝樓生洪農山谷及山陰地今所在有之實名
黃瓜詩所謂果蓏之實是也根亦名白藥皮黃
肉白三四月內生苗引藤蔓葉如甜瓜葉作叉有細花
七月開花似蒟蘆花淺黃色實在花下大如拳生青至
九月熟赤黃色二月八月採根刮去皮曝乾三十日成
其實有正圓者有銳而長者功用皆同其根惟歲久入
土深者佳鹵地生者有毒謹按栝樓主消渴古方亦單
用之豫思邈作粉法深掘大根厚削皮至白處寸切之

水浸一日一易水經五日取出爛搗研以絹袋盛之澄
瀘令極細如粉去水服方寸七日三四服亦可作粉粥
乳酪中食之並宜卒患肯痺痛取大實一枚切薤白半
升以白酒七升煮取二升分再服一方加半夏四兩湯
洗去滑同煮服更善又唐崔元亮療箭鏃不出搗根傳
瘡日三易自出又療時疾發黃心狂煩熱悶不認人者
取大實一枚黃者以新汲水九合浸淘取汁下
蜜半大合朴消八分合攪令消盡分再服便差

雷公云

栝樓凡使皮子莖根效各別其栝并樓樣全
別若栝自圓黃皮厚蒂小若樓唯形長赤皮

蒂麁是陰人服若修事去上殼皮革膜并油了使根
待構二三圍去皮細搗作煎攪取汁冷飲任用也

食療

子下乳汁又治癰腫栝樓根苦酒中熬燥搗
篩之苦酒和塗紙上攤貼服金石人宜用

聖惠方

治熱病頭疼發熱進退方用栝樓一枚大者取
其瓢細剉置甕中用熱湯一盞沃之蓋却良

久去滓不計
時候頓服

又方

治中風口眼喎斜用栝樓絞取汁和大麥麴搜作餅炙令熱熨正便止勿令太過

外臺秘要

治消渴利方生栝樓根三十斤以水一石煮取一斗半去滓以牛脂五合煎取水盡以煖

酒先食服如鷄子
大日三服即妙

又方

主傷寒洩飲栝樓根一兩以水五升煮取一升分二服清淡竹瀝一升水二升煮好銀二兩半去銀

先與病人飲之然後服
栝樓湯其銀汁須冷服

肘後方

治耳卒得風覺耳中烘烘栝樓根削令可入耳以臘月猪脂煎三沸出塞耳每用三七日即愈

又方

消渴小便多栝樓根薄切炙取五兩水五升煮取四升隨意飲之良

又方

折傷取栝樓根以塗之
重布裹之熱除痛即止

又方

治二三年聾耳方栝樓根三十根細切之
以水煮用釀酒如常法久久服之甚良

又方

若腸隨肛出轉久不可收入搗生栝樓汁溫
服之以猪肉汁洗手隨接之令暖自得入

梅師方

治諸癰背發乳房初起微赤搗
栝樓作末以井華水調勻服

勝金方

治太陽傷寒栝樓根二兩水五升
煮取一升半分二服小便利即差

廣利方

治小兒忽發黃面目皮肉並黃生栝樓根搗
取汁二合蜜一大匙二味煖相和分再服

集驗方

下乳汁栝樓子淘洗控乾炒令香熟瓦上
掄令白色為末酒調下一匕合面卧少時

杜壬

治背膈痛徹背心腹痛滿氣不得通及治痰嗽大
栝樓去穢取子熟炒別研和子皮麩糊為丸如梧

桐子大米飲
下十五丸

傷寒類要

治脾痺溺赤出少惕
惕若恐括樓主之

母子秘錄

治乳腫痛括樓黃色老大者一枚熟搗以白
酒一斗煮取四升去滓溫一升日三服若無

大者小者二
枚黃熟為上

楊氏產乳

治熱遊丹赤腫括樓末
二大兩醎醋調塗之

又方

治乳無汁括樓根燒
灰米飲服方寸匕

產寶

治產後乳無汁括樓末井花
水服方寸匕日二服夜流出

楊文蔚

治痰嗽利肖膈方括樓肥實大者割開子淨洗
搥破括皮細切焙乾半夏四十九箇湯洗十遍

搥破焙乾搗羅為末用洗栝樓熟水并瓢同熬成膏研細為丸如梧子大生薑湯下二十丸

又方

治癰未潰栝樓根赤小豆等分為末醋調塗

衍義曰

栝樓實九月十月間取穰以乾葛粉拌焙乾一石器中慢火炒熟為末食後夜卧以沸湯點一

二錢服以肺燥熱渴大腸秘其根與貝母知母秦艽黃芩之類皆治馬熱

成德軍苦參



秦州苦參

金匱要略

卷八



西京苦參



邵州苦參



苦參味苦寒無毒主心腹結氣癥瘕積聚黃疸溺有餘
瀝逐水除癰腫補中明目止淚養肝膽氣安五藏定志
益精利九竅除伏熱腸澼止渴醒酒小便黃赤療惡瘡

下部鑿平胃氣令人嗜食輕身一名水槐一名苦識

音識

一名地槐一名菟槐一名驕槐一名白莖一名虎麻一
名岑莖一名祿白一名陵郎生汝南山谷及田野三月

八月十月採根暴乾

玄參為之使惡貝母漏蘆菟絲反
黎蘆陶隱居云今出近道處處有

葉極似槐樹故自槐名花黃子作莢根味至苦惡病人
酒漬飲之多差患疥者一兩服亦除蓋能殺蟲唐本注

欽定四庫全書

卷八

云以十月收其實餌如槐子法久服輕身不老明目有
驗臣禹錫等謹按藥性論云苦參能治熱毒風皮飢煩
燥生瘡赤癩眉脫主除大熱嗜唾治腹中冷痛中惡腹
痛除體悶治心腹積聚不入湯用日華子云殺疳蟲炒
帶煙出為末飯飲下
治腸風瀉血并熱痢

圖經曰

其若參生汝南山谷及田野今近道處處皆有之
其根黃色長五七寸許兩指竈細三五莖並生

苗高三四尺已來葉碎青色極似槐葉故有水槐名春
生令凋其花黃白七月結實如小豆子河北生者無花
子五月六月八月十月採根暴乾用古今方用治瘡癰
最多亦可治癰疾其法用苦參五斤切以好酒三斗漬
三十日每飲一合日三常服不絕
若覺痺即差取根皮末服之亦良

唐本云

治脛酸
療惡蟲

雷公云

凡使不計多少先須用糯米濃泔汁浸一宿上

從已至申出晒乾細剉用之

聖惠方

治傷寒四日已嘔吐更宜吐以苦參末酒下二錢得吐差

外臺秘要

治天行病四五日結胸滿痛壯熱身體熱苦

當吐即愈天行毒病非苦參醋藥不解及溫覆取汗愈

又方

治小兒身熱苦參湯浴兒良

千金方

治狂邪發惡或披頭大叫欲殺人不避水火苦參以蜜丸如桐子大每服十丸薄荷湯下

又方

治飲食中毒以苦參三兩酒二升半煮取一升服取吐愈

肘後方

治穀疸食勞頭眩心沸鬱不安面發黃由失飢大食胃氣衝燻所致苦參三兩龍膽一合為末

牛膽丸如梧子大生大麥汁服五丸日三服

又方

治時氣垂死者苦參一兩咀咀以酒二升半煮取一升半去滓適寒溫盡服之當聞若參吐毒如溶

膠便愈

又方

治卒心痛苦參三兩苦酒一升半煮取八分二服

梅師方

治飲食中毒魚肉菜等苦參三兩以苦酒一升煎三五沸去滓服吐即愈或取煮犀角汁一

升亦佳

又方

治傷寒四五日頭痛壯熱胸中煩痛苦參五兩烏梅二十枚細剉以水二升煎取一升分服

孫真人食忌

治中惡心痛苦參一兩酒一升半煮取八合乘熱頓服

勝金方

治時疾熱病狂言心燥苦參不限多少炒黃色為末每服二錢水一盞煎至八分溫服連煎三

服有汗無汗皆差

集驗方

治毒熱足腫疼欲脫酒煮苦參以漬之

傷寒類要

治瘟氣病欲死苦參二兩以水二升煮取一升頓服之吐則愈或汗愈

子母秘錄

治小腹痛青黑或赤不能喘苦參一兩醋一升半煎八合分二服

太倉公

淳于意醫齊中大夫病齩齒灸左手陽明脈苦參湯日漱三升出入慎風五六日愈

沈存中筆談

常患腰疼時以病齒用苦參後有太常少卿舒昭亮用苦參揩齒歲久亦病腰自後

不用苦參
腰疾遂愈

行義曰

苦參有朝士苦腰重久坐旅拒十餘步然後能行有一將佐謂朝士曰見公日逐以藥措齒得

無用苦參否曰始以病齒用苦參已數年此病由苦參入齒其氣味傷腎故使人腰重後有太常少卿舒昭亮用苦參措齒歲久亦病腰自後悉不用腰疾皆愈此皆方書舊不載者有人病遍身風熱細癬痺痛不可忍連脊頸臍腹及近隱皆然涎痰亦多夜不得睡以苦參末一兩皂角二兩水一升揉濾取汁銀石器熬成膏和苦參末為丸如梧桐子大食後溫水服二十至二十九次日便愈

文州當歸



歸當州滁

欽定四庫全書

卷八



當歸味甘辛溫大溫無毒主欬逆上氣溫瘧寒熱洗音

在皮膚中婦人滿下絕子諸惡瘡瘍

音羊

金瘡煮飲之溫

中止痛除客血內塞中風瘕汗不出濕痺中惡客氣虛

冷補五藏生肌肉一名乾歸生隴西川谷二月八月採

根陰乾

惡藺茹畏菖蒲海藻杜蒙陶隱居云今隴西四陽黑水當歸多肉少枝氣香名馬尾當歸稍難

得西川北部分當歸多根枝而細歷陽所出色白而氣味薄不相似呼為草當歸闕少時乃用之方家有云真當

歸正謂此有好惡故也俗用甚多道方時須爾唐本注云當歸苗有二種於內一種似大葉芎藭一種似細葉

芎藭惟莖葉卑下於芎藭也今出當州宕州翼州松州宕州最勝細葉者名蠶頭當歸大葉者名馬尾當歸今

用多是馬尾當歸蠶頭者不如此不復用陶稱歷陽者是蠶頭當歸也臣禹錫等謹按爾雅云薛山蕝注廣雅曰山蕝當歸也當歸今似蕝而麓大吳氏云當歸神農黃帝桐君扁鵲甘無毒岐伯雷公辛無毒季氏小溫或生羌胡地范子云當歸無枯者善藥性論云當歸性惡熱麴止嘔逆虛勞寒熱破宿血主女子崩中下腸胃冷補諸不足止痛腹中痛單煮飲汁治溫瘧主女人澁血腰痛療齒疼痛不可忍耐人虛冷加而用之日華子云治一切風一切血補一切勞破惡血養新血及主癰癖

圖經曰

當歸生隴西川谷今川蜀陝西諸郡及江寧府滁州皆有之以蜀中者為勝春生南祿葉有三

辦七八月開花似蔣蘿錢紫色根黑黃色二月八月採根陰乾然苗有二種都類芎藭而葉有大小為異莖梗比芎藭甚卑下根亦二種大葉名馬尾當歸細葉名蠶頭當歸大抵以肉厚而不枯者為勝謹按爾雅云薛布

華切山蘄古芹字巨斤切郭璞注引廣雅云山蘄當歸也似蘄而龐大釋曰說文云蘄草也生山中者名蘄一

名山蘄然則當歸芹類也在平地者名芹生山中而龐大者名當歸也

雷公云

凡使先去塵并頭尖硬處一分已來酒浸一宿若要破血即使頭一節硬實處若要止痛

止血即用尾若一時用不如不使服食無效單使妙也

外臺秘要

治頭疼欲裂當歸一兩酒一升煮取六合飲至再服

又方

治心痛當歸為末酒服方寸匕

肘後方

治小兒多患胎寒好啼晝夜不止因此成癰當歸末一小豆大以乳汁灌之日夜三四度服差

葛氏方

治小便出血當歸四兩細剉酒三升煮取一升頓服之

梅師方

治胎動下血心腹疼死生不知服此湯活即安死即下用當歸四兩芎藭九兩細剉以酒三升

水四升煎取三升分服

子母秘錄

治倒產子死腹中搗當歸末酒服方寸匕

又方

治小兒臍風瘡久不差用當歸末傅之

賈相公

進過牛經牛有尿血病當歸紅花各半兩為末以酒半升煎候冷灌之差

支太醫方

治婦人百病諸虛不足當歸四兩地黃二兩為末蜜和丸如梧子大食前米飲下十五丸

別說云

謹按當歸自古醫家方論用治婦人產後惡血上衝倉卒取效無急於此世俗多以謂唯能治

血又外臺秘要金匱千金等方皆為人補不足決取立効之藥氣血昏亂者服之即定此蓋服之能使氣血各


有所歸則可以於產後備急於補虛速
効恐聖人立當歸之名必因此出矣

衍義曰


當歸廣雅云山蘄古芹切當歸也似芹而麤大
說文云蘄草也生山中者名薜音百新書圖經

以謂當歸芹類也在平地者名芹生山中麤大者名當
歸若然則今川蜀皆以平地作畦種尤肥好多脂肉不
以平地山中為等差但肥潤不枯燥者佳今醫家用此
一種為勝市人又以薄酒酒使肥潤不可不察也藥性
論云補女子諸不足
此說盡當歸之用也

黄麻州茂



同州麻黃



麻黃味苦溫微溫無毒主中風傷寒頭痛溫瘧發表出汗去邪熱氣止欬逆上氣除寒熱破癥瘕積聚五藏邪氣緩急風脅痛字乳餘疾止好唾通腠理疎傷寒頭疼解肌洩邪惡氣消赤黑斑毒不可多服令人虛一名卑相一名龍沙一名卑鹽生晉地及河東立秋採莖陰乾

令青

厚樸為之使惡辛莢石韋陶隱居云今出青州彭城滎陽中卑者為勝色青而多沫蜀中亦有不好

用之折除節節止汗故也先煮一兩沸去上沫沫令人煩其根亦止汗夏月雜粉用之俗用療傷寒解肌第一唐本注云鄭州鹿臺及關中沙苑河傍沙州上太多其青徐者今不復用同州沙苑最多也今注今用中卑者

為勝開封府歲貢馬臣禹錫等謹按藥性論云麻黃君味甘平能治身上毒風癰痺皮肉不仁主壯熱解肌發汗溫瘧治溫疫根節能止汗方曰并故竹扇杵末撲之又牡蠣粉粟粉并根等分末生絹袋盛盜汗出即撲手摩之段成式酉陽雜俎云麻黃莖端開花花小而黃葍生子如覆盆子可食日華子云通九竅調血脈開毛孔皮膚逐風破癥癖積聚逐五藏邪氣退熱禦山嵐瘴氣

圖經曰

麻黃生晉地及河東今近京多有之以榮陽中

稍上有黃花結實如百合瓣而小又似皂莢子味甜微有麻黃氣外紅皮裏仁子黑根紫赤色俗說有雌雄二種一者於二月四月內開花六月內結子雄者無花不結子至立秋後收採其莖陰乾令青張仲景治傷寒有麻黃湯及大小青龍湯皆用麻黃治肺痿上氣有射干麻黃湯厚朴麻黃湯皆大方也古方湯用麻黃皆先煮

去沫然後內諸藥今用丸散者皆不然也必效方治天
行一二日者麻黃一大兩去節以水四升煮去沫取二
升去滓著末一匙及鼓為稀粥取強一升先作熟湯浴
淋頭百餘椀然後服粥厚覆取汁於夜最佳千金方療
傷寒雪煎以麻黃十斤去節杏仁四升去兩仁尖皮熬
大黃一斤十三兩金色者先以雪水五碩四斗漬麻黃
於東向竈釜中三宿後內大黃攪令調以桑薪煮之得
大黃汁去滓復內釜中又搗杏仁內汁中復煮之可餘
六七斗絞去滓置銅器中更以雪水三斗合煎令得二
斗四升藥成丸如彈子有病者以沸白湯五合研一九
入湯中適寒溫服之立汗出若不
愈者復服一丸封藥勿令泄也

雷公云

凡使去節并沫若不盡服之令人悶用夾刀
剪去節并頭槐砧上用銅刀細剉煎三四十

沸竹片掠去上沫
盡漉出熬乾用之

傷寒類要

張仲景傷寒論云黃疸病以麻黃醇酒湯主之麻黃一把去節綿裹以美酒五升煮取半

升去滓頻服又治傷寒表熱發疸宜汗之則愈冬月用酒春宜用水煮之良

子母秘錄

治產後腹痛及血下不盡麻黃去節杵末酒服方寸匕一日二三服血下盡即止澤蘭湯

服亦妙

衍義曰

麻黃出鄭州者佳翦去節半兩以蜜一匙匕同炒良久以水半升煎後沸去上沫再煎去三分

之一不用滓病瘡倒靨黑者乘熱盡服之避風同其瘡復出一法用無灰酒煎但小兒不能飲酒者難服然其效更速以此知此藥入表也

海州通草




興元府通草



解州通草



通脫木



通草味辛甘平無毒主去惡蟲除脾胃寒熱通利九竅
血脈關節令人不忘療脾疸常欲眠心煩噦出音聲療
耳聾散癰腫諸結不消及金瘡惡瘡鼠癰痿折鬚鼻

音甕

息肉墮胎去三蟲一名附支一名丁翁生石城山谷及

山陽正月採枝陰乾

陶隱居云今出近道繞樹藤生汁白莖有細孔兩頭皆通含一頭吹

之則氣出彼頭者良或云即當音福藤莖唐本注云此物大者徑三寸每節有二三枝枝頭有五葉其子長三四寸核黑穰白食之甘美南人謂為驚覆芳服切或名烏覆今言當藤當覆聲相近爾臣禹錫等謹按藥性論云木通臣微寒一名王翁萬年主治五淋利小便開關格治人多睡主水腫浮大除煩熱用根治項下瘤癭孟

說云鳥覆子平厚腸胃令人能食下三焦除惡氣和子
食之更好江北人多不識江南人多食又續五藏斷絕
氣使語聲足氣通十二經脈其莖名通草食之通利諸
經脈擁不通之氣北人但識通草不委子之功其皮不
堪食陳士良云驚覆子寒無毒主胃口熱閉反胃不下
食除三焦客熱此是木通實名桴捩子莖名木通主理
風熱淋疾小便數急疼小腹虛滿宜煎湯并蔥食之有
效野生日華子云木通安心除煩止渴退熱治健忘明
耳目治鼻塞通小腸下水破積聚血塊排膿治瘡癰止
痛催生下胞女人血閉月候不勻天行時疾頭痛目眩
羸劣乳結及下乳子名覆子七八月採陳藏器云通脫
木無毒花上粉主諸蟲瘡野雞病取粉內瘡中生山側
葉似草麻心中有韋輕白可愛女工取以飾物爾雅云
離南活脫也一本云藥草生江南主蟲病今俗亦名通
草

圖經曰

通草生石城山谷及山陽今澤潞漢中江淮湖

徑三寸岳節有二三枝枝頭出五葉頗類石常又似芍藥三葉相對夏秋開紫花亦有白花者結實如小木瓜核黑瓤白食之甘美南人謂之驚獲亦云烏獲正月二月採枝陰乾用或以為葡萄苗非也今人謂之木通而俗間所謂通草乃通脫木也此木生山側葉如草麻心中空中有瓤輕白可愛女工取以飾物爾雅云離南活菟音脫釋云離南草也一名活菟山海經又名完脫生江南高文許大葉似荷而肥莖中有瓤正白者是也又名倚商主蟲毒其花上粉主諸蟲癰惡瘡痔疾取粉內瘡中正元廣利方療癰癰及李絳兵部療骨伏氣攻胃因不散方中並用之今京師園圃間亦有種蒔者又按張氏燕吳行役記揚州大儀甘泉東院兩廊前有通草其形如椿少葉子垂稍際如苦棟與今所說殊別不知是木通邪通脫邪或別是一種也古方所用通草皆今之

本通通脫稀有使者近世醫家多用利小便
南人或以蜜煎作果食之甚美兼解諸藥毒

陳藏器云

本功外子味甘利大小便宣通去煩熱食
之令人心寬止渴下氣江東人呼為畜蓄

子江西人呼為擎子如算袋穰黃子黑
食之當去其皮蘇云色白乃候蓄也

海藥

云謹按徐表南州記云生廣州山谷味溫平主諸
癰瘡喉龍痛及喉痺並宜煎服之磨亦得急即含

之

食療

云煮飲之通婦人血氣濃煎三五盞即便通又除
寒熱不通之氣消鼠癰金瘡踈折煮汁釀酒妙

澤州芍藥



芍藥味苦酸平微寒有小毒主邪氣腹痛除血痺破堅積寒熱疝瘕止痛利小便益氣通順血脈緩中散惡血逐賊血去水氣利膀胱大小腸消癰腫時行寒熱中惡腹痛腰痛一名白朮一名餘容一名犁食一名解倉一名鋌生中岳川谷及丘陵二月八月採根暴乾須丸為之使臣

禹錫等謹按別本作雷丸惡石斛芒消畏消石鼈甲小蓴反藜蘆陶隱居云今出白山蔣山茅山最好白而長大餘處亦有而多赤赤者小利俗方以止痛乃不減當歸道家亦服食之又養石用之今按別本注云此有兩種赤者利小便利下氣白者止痛散血其花亦有紅白二色臣禹錫等謹按吳氏云芍藥神農苦桐君甘無毒岐伯

鹹季氏小寒雷公酸藥性論云芍藥臣能治肺邪氣腹中疔痛血氣積聚通宣藏腑擁氣治邪痛敗血主時疾骨熱強五藏補腎氣治心腹堅脹婦人血閉不通消瘀血能蝕膿日華子云治風補勞主女人一切病并產前後諸疾通月水退熱除煩益氣天行熱疾瘟瘧驚狂婦人血暈及腸風瀉血痔瘻發背瘡疥頭痛明目目赤努肉赤色者多補氣白者治血此便是芍藥花根海鹽杭越俱好

圖經

曰芍藥生中岳川谷及丘陵今處處有之淮南者勝春生紅芽作叢莖上三枝五葉似牡丹而狹

長高一二尺夏開花有紅白紫數種子似牡丹子而小秋時採根根亦有赤白二色崔豹古今注云芍藥有二種有草芍藥木芍藥木者花大而色深俗呼為牡丹非也又云牛山問曰將離相別贈以芍藥何也答曰芍藥一名何離故相贈猶相招召贈以文無文無一名當歸欲忘人之憂則贈以丹棘丹棘一名忘憂使忘憂也欲

忘人之念則贈以青棠青棠一名合歡贈之使忘念也
張仲景治傷寒湯多用芍藥以其主寒熱利小便故也
古人亦有單服食者安期生服鍊法云芍藥二種者金
芍藥二者木芍藥救病用金芍藥色白多脂肉木芍藥
色紫瘦多脂若取審看勿令差錯若欲服餌採得淨刮
去皮以東流水煮百沸出陰乾停三日又於木甑內蒸
之上覆以淨黄土一日夜熟出陰乾搗末以麥飲或酒
服三錢匕日三滿三百日可以登嶺絕穀不飢正元廣
利方治婦女赤白下年月深久不差者取白芍藥三大
兩并乾薑半大兩細剉熬令黃搗下篩空肚和飲汁服
二錢已日再佳又金創血不止而痛
者亦單搗白芍藥末傳上即止良驗

唐本

註益好
血

雷公云

凡採得後於日中晒乾以竹刀刮上麓皮并頭
土中剉之將蜜水拌蒸從已至未晒乾用之

經驗後方

治風毒骨髓疼痛芍藥五分虎骨一兩炙為末夾絹袋盛酒三升漬五日每服三合日三

服

博濟方

治五淋赤芍藥一兩檳榔一箇麪裹煨為末每服一錢匕水一盞煎七分空心服

廣利方

治金瘡血不止痛白芍藥一兩熬令黃杵令細為散酒或米飲下二錢並得初二服漸加

初虞世

治咯血衄血白芍藥一兩犀角末一分為末新水服一錢匕血止為限

別說云

謹按本經芍藥生丘陵川谷今世所用者多是人家種植欲其花葉肥大必加糞壤每歲八九

月取其根分削因利以為藥遂暴乾貨賣今淮南真陽尤多藥家見其肥大而不知香味絕不佳故入藥不可責其効今考用宜依本經所說川谷丘陵有生者為勝爾

行義曰

芍藥全用根其品亦多須用花紅而單葉山中者為佳芍藥多節根然其根多赤色其味澀若

或有色白麤肥者益好餘如經然血虛寒人禁此一物古人有言曰臧芍藥以避中寒誠不可忽此

冀州蠶實



蠱

禮音

實味甘平溫無毒主皮膚寒熱胃中熱氣風寒濕

痺堅筋骨令人嗜食止心煩滿利大小便長肌膚肥大

久服輕身花葉去白蟲療喉痺多服令人溲洩一名荔

實一名劇草一名三堅一名豕首生河東川谷五月採

實陰乾

陶隱居云方藥不復用俗無識者天名精亦名豕首也唐本注云此即馬蘭子也月令云荔挺

出鄭注云荔馬薤也說文云荔似蒲根可為制通俗文

一名馬蘭木經一名荔實子療金瘡血內流癰腫等病

有効臣禹錫等謹按蜀本云蠱實寒日華子云馬蘭治婦人血氣煩悶產後血暈并經脉有止崩中帶下消一

切瘡癰腫毒止鼻洪吐血通小腸消酒毒治黃病溲宅蟲交殺葷毒亦可蔬菜食莖葉同用

圖經曰

蠡實馬藟子也北人音訛呼為馬棟子生河東川谷今陝西諸郡及鼎澧州亦有之近京尤多

葉似薤而長厚三月開紫碧花五月結實作角子如麻大而赤色有稜根細長通黃色人取以為刷三月採花五月採實並陰乾用謹按顏氏家訓云月令曰荔挺出鄭康成云荔挺馬藟也易統驗玄國云荔挺不出則國多大災說文云荔似蒲而小根可為刷廣雅云馬藟荔也蔡邕高誘皆云荔以挺出然則鄭以荔挺為名誤矣此物河北平澤率生之江東頗多種於堦庭但呼為早蒲故不識馬藟講禮者乃以為馬藟且馬藟亦名豚耳俗曰馬藟者是也其花實皆入藥列仙傳寇先生者宋人也好種荔食其葩實馬今山人亦單服其實云大溫益下甚有奇效崔元亮治喉痺腫痛取荔花皮根共十二分以水一升煮取六合去滓含之細細點汁差止

外臺秘要

治睡死者杵蠡實根一握水絞取汁稍稍嚥之口噤灌之

又方

治喉痺咽候喘息不通須臾欲絕神驗以根葉
二兩水一升半煮取一盞去滓細細喫立通

千金方

治申蠱下血如鷄肝出其餘四藏悉壞唯心未
毀或鼻破待死取馬蘭根末水服方寸匕隨吐

則出極神此苗似葛
蔓緣紫生子似橘子

肘後方

治面及鼻病酒皸以
馬蘭子花杵傳之佳

張文仲

治水痢百病以馬蘭子用六月六日麴熬令黃
各等分為末空心米飲服方寸匕如無六月六

日麴用常麴或牛
骨灰等分亦得

又方

治水痢百病以馬蘭子乾薑黃連各等分為散熟
煮湯取一合許和二方寸匕入腹即斷冷熱皆治

常用神效不得輕
之忌猪肉冷水

衍義曰

蠱實陶隱居云方藥不復用俗無識者本經諸家所注不相應若果是馬藺則曰華子不當更

言亦可為蔬菜食蓋馬藺其葉馬牛皆不食為纔出上葉已硬况又無味豈可更堪人食也今不敢以蠱實為馬

藺子更候
博識者

絳州瞿麥



瞿

音勛

麥味甘苦辛寒無毒主關格諸癰結小便不通出刺

決癰腫明目去翳破胎墮子下閉血養腎氣逐膀胱邪

逆止霍亂長毛髮一名巨句麥一名大菊一名大蘭生

太山川谷立秋採實陰乾

藥草

壯丹為之使惡螻蛄陶隱居云今出近道一莖生細

葉花紅紫赤可愛合子葉刈取之子頗似麥故名瞿麥

此類乃有兩種一種微大花邊有義極未知何者是今

市人皆用小者復一種葉廣相似而有毛花晚而甚茂

按經云採實中子至細燥熟便脫盡今市人惟合莖葉

用而實正空殼無復子爾臣禹錫等謹按藥性論云瞿麥臣味甘主五淋日華子云瞿麥催生又名杜母草驚

麥藺麥又云石竹葉治痔瘻并瀉血作湯粥食並得子

治月經不通破血塊排膿葉治小兒蛔蟲痔疾煎湯服

丹石藥發并眼目腫痛及腫毒
搗傳治浸淫瘡并婦人陰瘡

圖經

曰

瞿麥生泰山川谷今處處有之苗高一尺以夾葉尖小青色根紫黑色形如細蔓菁花紅紫赤

色赤似映山紅三月至五月開七月結實作穗子頗似麥故以名之主秋後合子葉收採陰乾用河陽河中府出者苗可用淮甸出者根細村民取作刷帚爾雅謂之大菊廣雅謂之茈萋是也古今方通心經利小腸為最要張仲景治小便不利有水氣枯樓瞿麥丸主之枯樓根二兩大附子一箇茯苓山芋各三兩瞿麥一分五物杵末蜜丸如梧子大一服三九日三未知益至七八丸以小便利腹中溫為知也

雷公云

凡使只用藥殼不用莖葉若一時使即空心令人氣咽小便不禁凡欲用先須以莖竹漚

浸一伏時漚
出熬乾用

外臺秘要

治髓以瞿麥為末水服方寸匕

又方

治石淋取子搗為末酒服方寸匕日二三日常下石

千金方

治產經數日不出或子死腹中母欲死以瞿麥煮濃汁服之

梅師方

治竹木刺入肉中不出瞿麥為末水服方寸匕或煮瞿麥汁飲之日三次愈

崔氏

治魚臍瘡毒腫燒灰和油傳於腫上甚佳

衍義曰

瞿麥八政散用瞿麥今人為至要藥若心經雖有熱而小腸虛者服之則心熱未退而小腸別


作病矣料其意者不過為心與小腸為傳送故用此入小腸藥按經瞿麥並不治心熱若心無大熱則當止治

其心若或制之不盡須當求其屬以袞之有八政散者其意如此


邢州玄參



衡州玄參



江州玄參



玄參味苦鹹微寒無毒主腹中寒熱積聚女子產乳餘
疾補腎氣令人目明主暴中風傷寒身熱支滿狂邪忽
忽不知人瘟瘡洒洒血瘕下寒血除脊中氣下水止煩
渴散頸下核癰腫心腹痛堅癥定五藏久服補虛明目
強陰益精一名重臺一名玄臺一名鹿腸一名正馬一
名咸一名端生河間川谷及冤句三月四月採根暴乾
惡黃耆乾薑大棗山茱萸反藜蘆陶隱居云出近道處
處有莖似人參而長大根甚黑亦微香道家時用亦以
合香唐本注云玄參根苗並臭莖亦不似人參陶云道
家亦以合香未見其理也今注詳此藥莖方大高四五

尺紫赤色而有細毛葉如掌大而尖長根生青白乾即紫黑新者潤膩合香用之俗呼為馥草酒漬飲之療諸毒鼠瘻陶云似人參莖唐本注言根苗並臭蓋未深識爾臣禹錫等謹按藥性論云玄參使一名逐馬味苦能治暴結熱主熱風頭痛傷寒復勞散瘤瘰癧瘰癧日華子云治頭風熱毒遊風補虛勞損心驚煩燥勞乏骨蒸傳尸邪氣止健忘消腫毒

圖經曰

玄參生河間及宛句今處處有之二月生苗葉似脂麻又如槐柳細莖青紫色七月開花青碧

色八月結子黑色亦有白花莖方大紫赤色而有細毛有節若竹者高五六尺葉如掌大而尖長如鋸齒其根尖長生青白乾即紫黑新者潤膩一根可生五六枝三月八月九月採暴乾或云蒸過日乾陶隱居云道家時用合香今人有傳其法以玄參甘松香各杵末均秤分兩盛以大酒瓶中投白蜜漬令瓶七八分緊封繫頭安

釜中煮不住火一伏時止火候冷破瓶取出再搗熟如乾更用熟蜜和甕器盛廕埋地中旋取使入龍腦香亦可以
惠衣

雷公云

凡採得後須用蒲草重重相隔八甕蒸兩伏時後出乾照使用時勿令犯銅餌之後壹人

喉喪人目揀去蒲草盡了用之

經驗方


治患勞人燒香法用玄參一斤甘松六兩為末煉蜜一斤和勻入甕餅內封閉地中埋窖十日

取出更用灰末六兩更煉蜜六兩和令勻入餅內封更窖五日取出燒令其鼻中常聞其香疾自愈


廣利方

治瘰癧經年久不差生玄參搗碎傳上日二易之


石州秦艽




寧化軍秦艽



秦州秦艽



齊州秦光



秦朮

膠字

味苦辛平微溫無毒主寒熱邪氣寒濕風痺肢

節痛下水利小便療風無問久新通身攣急生飛鳥山

谷二月八月採根暴乾

菖蒲為之使陶隱居云飛鳥或是地名今出甘松龍洞蠶陵長

大黃白色為佳根皆作羅文相交中多衝士用之熟破除去方家多作秦膠字與獨活療風常用道家不須爾唐本注云今出涇州鄜州岐州者良本作扎或作糾作膠正作朮也臣禹錫等謹按藥性論云秦朮解米脂人食穀不充悅畏牛乳點服之利大小便差五腫黃病解酒毒去頭風蕭炳云本經名秦瓜世人以療酒黃黃疸大效日華子云味苦冷主傳尸骨蒸治疔及時氣又名秦瓜羅紋者佳

圖經曰

秦朮生飛鳥山谷今河陝州軍多有之根土黃色而相交糾長一尺已來麤細不等枝幹高五

六寸葉婆娑連莖梗俱青色如萵菹葉六月中開花紫色似萵花當月結子每於春秋採根陰乾正元廣利方療黃心煩熱口乾皮肉皆黃以秦朮十二分牛乳一大升同煮取七合去滓分溫再服差此方出於許仁則又崔元亮集驗方凡發背疑似者須便服秦朮牛乳煎當得快利三五行即差法並同此又治黃方用秦朮一大兩細剉作兩貼子以上好酒一升每貼半升酒絞取汁去滓空腹分兩服或利便止就中好酒人易治凡黃有數種傷酒曰酒黃夜食誤食鼠糞亦作黃因勞發黃多痰涕目有赤筋曰益憔悴或面赤惡心者是元亮用之及治人皆得力極效秦朮須用新好羅文者

雷公曰

凡使秦并朮須於脚文處認取左文列為秦即治疾朮即發脚氣凡用秦先以布拭上黃

肉毛盡然後用還元湯浸一宿至明出日乾用

聖惠方

治傷寒心神熱燥口乾煩渴用秦艽一兩去苗細判以牛乳一大盞煎至六分去滓不計時候

分溫
二服

又方


治小便難腹滿悶不急療之殺人用秦艽一兩去苗以水一大盞煎取七分去滓每於食後分為二

服


孫真人

治黃疸皮膚眼睛如金色小便赤取秦艽五兩牛乳三升煮取一升去滓內芒消一兩服

合州百合



成州百合



百合味甘平無毒主邪氣腹脹心痛利大小便補中益氣除浮腫膨脹痞滿寒熱通身疼痛及乳難喉痺止涕淚一名重箱一名摩羅一名中逢花一名強瞿生荊州

川谷二月八月採根暴乾

陶隱居云近道處處有根如葫蒜數十片相累人亦蒸煮

食之乃言初是蚯蚓相纏結變作之俗人皆呼為蜆仇即瞿也聲之訛爾亦堪服食唐本注云此藥有二種一種細葉花紅白色一種葉大莖長根麤花白宜入藥用臣禹錫等謹按藥性論云百合使有小毒主百邪鬼魅涕泣不止除心下急滿痛治脚氣熱欬逆吳氏云百合一名重邁一名中庭生冤胸及荆山日華子云白百合安心定膽益志養五藏治癰邪啼泣狂叫驚悸殺蠱毒氣脇乳癰發背及諸瘡腫并治產後血狂暈又云紅

百合涼無毒治瘡腫及療驚邪此是紅花者名連珠

圖經曰

百合生荊州川谷今近道處處有之春生苗高數尺薹薹如箭四面有葉如雞距又似柳葉青

色葉近莖微紫薹端碧白四五月開紅白花如石榴青而大根如蒟蒻重疊生二三十瓣二月八月採根暴乾

人亦蒸食之甚益氣又有一種花黃有黑斑細葉葉間有黑子不堪入藥徐錯歲時廣記二月種百合法宜雞

糞或云百合是蚯蚓所化而反好雞糞理不可知也又百合作麴最益人取根暴乾搗細篩食之如法張仲景

治百合病有百合知母湯百合滑石代赭湯百合雞子湯百合地黃湯凡四方病名百合而用百合治之不識

其義

食療

云平主心急黃蒸過蜜和食之作粉尤佳紅花者名山丹不甚良

聖惠方

治肺藏壅熱煩悶新百合四兩蜜半盞和蒸令軟時時含一棗大嚙津

又方

治傷寒腹中滿痛用百合一兩炒令黃色搗為散不計時候粥飲調下二錢服

孫真人食忌

治陰毒傷寒黃百合濃汁服一升

勝金方

治耳聾疼痛以乾百合為末溫水調下二錢匕食後服

衍義曰


百合張仲景用治傷寒壞後百合病須此也莖高三尺許葉如大柳葉四向攢枝而上其顛即

有淡黃白花四垂向下覆長藥花心有檀色每一枝顛須五六花子紫色圓如梧子生於枝葉間每葉一子不在花中此又異也根即百合其色白其形如松子殼四向攢生中間出苗

欽定四庫全書

卷八


滁 州 知 母




衛州知母

金匱要略卷八


卷八




威勝軍知母



解州知母



隰州知母



知母味苦寒無毒主消渴熱中除邪氣肢體浮腫下水

補不足益氣療傷寒久瘡煩熱脅下邪氣膈中惡及風

汗內疸多服令人洩一名蜚岐音岐母一名連母一名野蓼

一名地參一名水參一名水星一名思母一名蜺音匙

提母一名女雷一名女理一名兒草一名鹿列一名韭

逢一名兒踵草一名東根一名水須一名菰藩一名薺

杜含切臣禹錫等謹按唐本一名昌支生河內川谷二月八月採根暴乾

陶隱居云今出彭城形似菰蒲而柔潤葉小難死掘出隨生須枯燥乃止甚療熱結亦主瘧熱煩也臣禹錫等

謹按爾雅云蔣蒨藩釋曰知母也一名蔣一名蒨藩郭
云生山上葉如韭范子云提母出三輔黃白者善吳氏
云知母神農桐君無毒補不足益氣藥性論云知母君
性平主治心煩燥悶骨熱勞往來生產後蔣勞腎氣勞
憎寒虛損患人虛而口乾加而用之日華子云味苦甘
治熱勞傳屍疰病通小腸消痰止嗽潤心肺補虛乏安
驚悸心止

圖經曰

有知母生河內川谷今潁河諸郡及解州滁州亦
有之根黃色似菖蒲而柔潤葉至難死掘出隨

生須燥乃止四月開青花如韭花八月結實二月八月
採根暴乾用爾雅謂之蔣徒南切又謂之蒨直林切藩
是也肘後方用此一物治溪毒大勝其法連根葉搗作
散服之亦可投水搗絞汁飲一二升夏月出行多取此
屑自隨欲入水先取少許投水上流便無
畏兼辟射上亦可和水作湯浴之甚佳

雷公云

凡使先於槐砧上細剉焙乾木臼杵搗勿令犯鐵器

聖惠方

治妊娠月未足似欲產腹中痛用知母二兩末為丸如梧桐子大不計時候粥飲下二十九楊

氏產乳同

母


貝



峽州貝母



越州貝母



貝母味辛苦平微寒無毒主傷寒煩熱淋瀝邪氣疝瘕
喉痺乳難金瘡風痙療腹中結實心下滿洗洗惡風寒
目眩項直欬嗽上氣止煩熱渴出汗安五藏利骨髓一
名空草一名藥實一名苦花一名苦菜一名商草一名

勤母生晉地十月採根暴乾厚樸白薇為之使惡桃花畏秦朮

陶隱居云今出近道形似聚貝子故名貝母斷穀服之下飢唐本注云此藥似大蒜四月蒜熟時採良若十月

苗枯根亦不佳也出潤州荊州襄州者最佳江南諸州亦有味甘苦不辛按爾雅一名蔕忙庚切也臣禹錫等

謹按爾雅云蔕貝母注根如小貝員而白華葉似韭疏引陸機云其葉如枯樓而細小其子在根不如芋子正

白四方連累相著有分解也藥性論云貝母臣微寒治
虛熱主難產作末服之兼治肥衣不出取七枚末酒下
末點眼去膚醫主骨脅逆氣療時疾黃疸與連翹同主
項下瘤癭疾日華子云消痰潤心肺末和沙糖為丸含
止嗽燒灰油
傳人畜惡瘡

圖經曰

貝母生晉地今河中江陵府郢壽隨鄭蔡潤除
州皆有之根有瓣子黃白色如聚貝子故名貝

母二月生苗莖細青色葉亦青似蕎麥葉隨苗出七月
間花碧綠色形如鼓子花八月採根曬乾又云四月蒜
熟時採之良此有數種鄺詩言采其苗音蟲陸機疏云
貝母也其葉如枯樓而細小其子在根下如芋子正白
四方連累相著有分解今近道出者正類此郭璞注爾
雅云白花葉似韭此種罕復見之此藥亦治惡瘡唐人
記其事云江左嘗有商人左膊上有瘡搜人面亦無它
苦商人戲滴酒口中其面亦赤色以物食之亦能食食

多則覺臍肉脹起或不食之則二臂痺有善醫者教其歷試諸藥金石草木之類悉試之無苦至貝母其瘡乃聚眉閉口商人喜曰此藥可治也因以小葦筒毀其口灌之數日成痂遂愈然不知何疾也謹按本經主金瘡此豈金瘡之類歟

雷公云

凡使先於柳木灰中炮令黃擘破去內口鼻上有米許大者心一小顆後拌糯米於瓦上


同炒待米黃熟然後去米取出其中有獨顆團不作兩片無皺者號曰母龍精不入藥用若誤服令人筋脈永不收用黃精小藍中合服立愈

別說云

謹按貝母能散心胃鬱結之氣殊有功則詩所謂言采其蟲者是也蓋作詩者本以不得忘而

言之今用以治心中氣不快多愁鬱者殊有信矣

澤州白芷



白芷味辛溫無毒主女人漏下赤白血閉陰腫寒熱風

頭侵目淚出長肌膚潤澤可作面脂療風邪久渴吐嘔

兩脅滿風痛頭眩目痒可作膏藥面脂潤顏色一名芳

香一名白蔞一名薺許驕切一名莞一名苻蘿一名澤芬

一名萬音歷蔴可作浴湯生河東川谷下澤二月八月採

根暴乾當歸為之使惡旋復花陶隱居云今出近道處

以此香浴去尸蟲又用合香也臣禹錫等謹按范子計

然云白芷出齊郡以春取黃澤者善也藥性論云白芷

君能治心腹血刺痛除風邪主女人血崩及嘔逆明目

止淚出療婦人瀝血腰痛能蝕膿日華子云治目赤努

肉反補胎漏滑落破宿血補新血乳癰發背瘰癧
賜風痔瘻排膿瘡癰疥癬止痛生肌去面上疵癧

圖經曰

白芷生河東川谷下澤今所在有之吳地尤多
根長尺餘白色麤細不等枝幹去地五寸已上

春生葉相對婆娑紫色濶三指許花白微黃入伏後結
子立秋後苗枯二月八月採根暴乾以黃澤者為佳楚
人謂之藥九歌云辛夷楣兮
藥房王逸住云藥白芷是也

雷公云

凡採得後勿用四條作一處生者此名喪公
藤兼勿用馬蘭並不入藥中採得後刮削上

皮細剉用黃精亦細剉以竹刀切二味等分兩
度蒸透伏時後出於日中照乾去黃精用之

外臺秘要

治丹癰癰白芷及
根葉煮汁洗之效

子母秘錄


治小兒身熱白芷
煮湯浴兒避風

衍義曰

白芷蒞是也出吳地者良經曰能蝕膿今人用治帶小腸有敗膿淋露不已腥穢殊甚至臍

腹更增冷痛此蓋為敗膿血所致卒無已期須以此排膿白芷一兩單葉紅蜀葵根二兩芍藥根白者白礬各半兩礬燒枯別研除為末同以蟬丸如梧子大空肚及飯前米飲下十九或十五丸俟膿盡仍別以他藥補之


永康軍淫羊藿



沂州淫羊藿

金匱要略卷八

卷八



淫羊藿味辛寒無毒主陰痿絕傷莖中痛利小便益氣力強志堅筋骨消瘰癧赤癰下部有瘡洗出蟲丈夫久

服令人無子一名剛前生上郡陽山山谷

薯蕷為之使陶隱居云服

此使人好為陰陽西川北部有淫羊一日百遍合蓋食藿所致故名淫羊藿唐本注云此草葉形似小豆而圓薄莖細亦堅所在皆有俗名仙靈脾者是也臣禹錫等謹按蜀本云淫羊藿溫注云生處不聞水聲者良藥性論云淫羊藿亦可單用味甘平主堅筋益骨日華子云仙靈脾紫芝為使得酒良治一切冷風勞氣補腰膝強心力丈夫絕陽不起女人絕陰無子筋骨掣急四肢不仁老人昏耄中等健忘又名黃連祖千兩金乾雞筋放

扶草葉
扶草

圖經曰

淫羊藿俗名仙靈脾生上郡陽山山谷今江東陝西泰山漢中湖湘間皆有之葉青似杏葉上

有刺莖如粟稈根紫色有鬚四月開花白色亦有紫色碎小獨頭子五月採葉曬乾湖湘出者葉如小豆枝莖緊細經冬不凋根似黃連關中俗呼三枝九葉草苗高一二尺許根葉俱堪使

雷公云

凡使時呼仙靈脾須用夾刀夾去葉四畔花秋盡後細剉用羊脂相對拌炒過待羊脂盡

為度每修事一斤用羊脂四兩為度也

聖惠方

治偏風手足不遂皮膚不仁宜服仙靈脾浸酒方仙靈脾一斤好者細剉以生絹袋盛於不津

器中用無灰酒二斤浸之以厚紙重重密封不通氣春夏三日秋冬五日後旋開每日隨性煖飲之常令醺醺不得大醉若酒盡再合服之無不効驗合時切忌雞犬見之

經驗方

治瘡子入眼以仙靈脾葳靈仙等分為末食後米湯下一錢匕小兒半錢匕

食醫心鏡

益丈夫興陽理腰膝冷淫羊藿一斤酒一斗浸經二日飲之佳

耀州黃芩



潞州黃芩



黃芩味苦平大寒無毒主諸熱黃疸腸澼洩痢逐水下

血閉惡瘡疽蝕火瘍療痰熱胃中熱小腹絞痛消穀利

小腸女子血閉淋露下血小兒腹痛一名腐腸一名空

腸一名內虛一名黃文一名經芩一名妬婦其子主腸

澼膿血生穉歸川谷及冤句三月三日採根陰乾得厚

連止腹痛得五味子牡蠣牡蠣令人有子得黃耆白欬

赤小豆療鼠瘻山茱萸龍骨為之使惡葱實畏丹砂牡

丹藜蘆陶隱居云穉歸屬建平郡今第一出彭城鬱州

亦有之圓者名子芩為勝破者名宿芩其腹中皆爛故

名腐腸惟取深色堅實者為好俗方多用道家不須唐

本注云葉細長兩葉相對作叢生亦有獨莖者今出宜

欽定四庫全書

卷八

錫州等謹按涇州者佳兗州者大實亦好名狔尾苓也臣禹
熱往來腸胃不利破擁氣治五淋令人宣暢去關節煩
悶解熱渴治熱腹中疔痛心腹堅脹日華子云下氣主
天行熱疾丁瘡排膿治乳癰發背

圖經曰

黃芩生秣歸山谷及宛句今川蜀河東陝西近
郡皆有之苗長尺餘莖萑薹如筋葉從地四面

作叢生類紫草高一尺許亦有獨莖者葉細長青色兩
兩相對六月開紫花根黃如知母薹細長四五寸二月
八月採根暴乾用之吳普本草云黃芩又名印頭一名
內虛二月生赤黃葉兩兩四四相值其莖空中或方圓
高三四尺花紫紅赤五月生實黑根黃二月九月採與
今所有小異張仲景治傷寒心下痞滿瀉心湯四方皆
用黃芩以其主諸熱利小腸故也又太陽病下之利不
止有葛根黃芩黃連湯及上妊娠安胎散亦多用黃芩

今醫家嘗用有效者因著之又千金方巴郡太守秦加
減三黃丸療男子五勞七傷消渴不生肌肉婦人帶下
手足寒熱者春三月黃芩四兩大黃三兩黃連四兩夏
三月黃芩六兩大黃一兩黃連七兩秋三月黃芩六兩
大黃二兩黃連三兩冬三月黃芩三兩大黃五兩黃連
二兩三物隨時合搗下篩蜜丸大如烏豆米飲服五丸
日三不知稍增七丸服一月病愈久服走及奔馬追頻
有驗食禁猪肉又陶隱居云黃芩圓名子芩仲景治雜
病方多用之

千金翼

治淋黃芩四兩棗貯之
水五升黃三升分三服


梅師

治水丹枳黃芩
末水調傳之


欽定四庫全書

卷八


成德軍狗脊



眉州狗脊



溫州狗脊




經類本草

溜州狗脊

金定江戶全書

卷八



狗脊味苦甘平微溫無毒主腰背強關機緩急周痺寒濕膝痛頗利老人療失溺不節男子脚弱腰痛風邪淋露少氣目闇堅脊利俛仰女子傷中關節重一名百枝一名強脊一名扶蓋一名扶筋生常山川谷二月八月

採根暴乾

草薺為之使惡敗醫陶隱居云今山野處處有與菰蕒相似而小異其莖葉小肥其節疏

其莖大直上有刺葉圓有赤脈根四為交切凸徒絕切龍從如羊角細強者是唐本注云此藥苗似貫衆根長多歧狀如狗脊骨其肉作青綠色今京下用者是陶引說乃有刺草薺非狗脊也今江左俗猶用之臣禹錫等謹按吳氏云狗脊一名狗青一名赤節神農苦桐君黃帝岐伯雷公扁鵲甘無毒季氏小溫如草薺莖節如竹

有刺葉員赤根黃白亦如竹根毛有刺歧伯經云莖無節葉端員青赤皮白有赤脉藥性論云狗脊味苦辛微熱能治男子女人毒風軟脚邪氣濕痺腎氣虛弱補益男子續筋骨

圖經曰

狗脊生常山川谷今太行山淄溫眉州亦有根黑色長三四寸兩指許大苗尖細碎青色高一

尺已來無花其莖葉似貫衆而細其根長而多歧似狗脊骨故以名之其肉青綠春秋採根暴乾用今方亦用


者金毛

雷公云

凡使勿用透山藤其根盤大與透山藤一般只是入頂苦不可餌之凡修事細剉了酒拌

蒸從已至申出曬乾用

充州石龍芮



石龍芮味苦平無毒主風寒濕痺心腹邪氣利關節止煩滿平腎胃氣補陰氣不足失精莖冷久服輕身明目不老令人皮膚光澤有子一名魯果能一名地樾一名

石能一名彭根一名天豆生太山川澤石邊五月五日

採子二月八月採皮陰乾大戟為之使畏蛇蛻皮吳茱萸陶隱居云今出近道子形

粗似蛇牀子而扁非真好者人言是薺菜子爾東山石上所生其葉芮內短少其子狀如薺蘆黃色而味小辛

此乃實是也唐本注云今用者俗名水蘆音謹苗似附子實如桑椹故名地樾生下濕地五月熟葉子皆味辛

山南者粒大如葵子關中河北者細如薺蘆氣力劣於山南者陶以細者為真未為通論又別錄水蘆云主毒

腫癰瘡蛇蟲齒齠臣禹錫等謹按藥性論云石龍芮能逐諸風主除心熱燥

圖經曰

石龍芮生泰山川澤石邊陶隱居云近道處處有之今惟出兗州一叢數莖莖青紫色每莖三

葉其葉芮芮短小多刻缺子如葶藶而色黃五月採子二月八月採皮陰乾用能逐諸風除心熱燥蘇恭云俗名水莖苗如附子實如桑椹生下濕地此乃水莖非石龍芮也今兗州所生者正與本經陶說相合為得其真矣

陳藏器

云芮子味辛按蘇別藥錄云水莖主毒腫蛇蟲齠且水莖如蘇所注定是石龍芮更非


別草爾雅云葑葑草郭注云烏頭苗也蘇又注天雄云石龍芮葉似莖草故名水莖如此則依蘇所注是水莖附子是莖草水莖莖草二物同名也

衍義曰

石龍芮今有兩種水中生者葉光而子圓陸生者葉有毛而子銳入藥須生水者陸生者又謂

之天多取少葉揉緊臂上一夜作大泡如火燒者惟陸生者補陰不足莖當冷失精餘如經


澶州茅根



鼎州茅根

金匱要略卷八

卷八



茅根味甘寒無毒主勞傷虛羸補中益氣除瘀血血閉
寒熱利小便下五淋除客熱在腸胃止渴堅筋婦人崩
中久服利人其苗主下水一名蘭根一名茹根一名地
管一名地筋一名兼杜生楚地山谷田野六月採根隱陶

居云此即今白茅管音姦詩云露彼管茅其根如渣芹
甜美服食此斷穀甚良俗方稀用惟療淋及崩中爾唐
本注云管花味甘溫無毒主衄血吐血灸瘡臣禹錫等
謹按藥性論云白茅臣能破血主消渴根治五淋煎汁
服之陳藏器云茅針味甘平無毒主惡瘡腫未潰者煮
服之服一針一孔二針二孔生按傳金瘡止血煮服之
主鼻衄及暴下血成白花者功用亦同針即茅筍也又
云屋茅主卒吐血細剉三升酒浸煮服一升屋上爛茅

和醬汁研傳班瘡蠶蟄瘡一名百足蟲茅屋滴溜水殺
雲母毒日華子云茅針涼通小腸癰毒軟癰不作頭濃
煎和酒服花罾刀箭瘡止血并痛根主婦人月經不勻
又云茅根通血脈淋瀝是白花茅根也又云屋四角茅
平無毒
止鼻洪

圖經曰

茅根生楚地山谷田野今處處有之春生苗布
地如針俗間謂之茅針亦可取甚益小兒夏生

白花茸茸然至秋而枯其根至潔白亦甚甘美六月採
根用今人取茅針按以傳金瘡塞鼻洪止暴下血及溺
血者殊效劉禹錫傳信方療癰腫有頭使必穴方取茅
錐一莖正爾全煎十數沸服之立潰若兩莖即生兩孔
或折斷一枝為二亦生兩穴白茅花亦主金瘡止血又
有管亦茅類也陸機草木疏云管似茅而滑無毛根下
五寸中有白粉者柔韌宜為索溫之尤善其未溫者名
野管詩所謂白茅管茅即此也入藥與茅等其屋苦茅

經久者主卒吐血細剉三升酒浸煮服一升良已


肘後方

療熱淋取白茅根四升剉之以水一斗五升煮取五升適冷煖飲之日三服


又方

諸竹木刺在肉中不出取白茅根燒末脂膏和塗之亦治因風致腫


成州紫苑



菀紫州泗



解州紫莞



紫苑味苦辛溫無毒主欬逆上氣脅中寒熱結氣去蠱毒顛癎安五藏療欬唾膿血止喘悸五勞體虛補不足

小兒驚癇一名紫菀一名青苑生房陵山谷及真定邯鄲

二月三月採根陰乾

款冬為之使惡天雄瞿麥雷丸遠志畏茵陳蒿陶隱居云近道

處處有生市地花亦紫本有白毛根甚柔細有白者名白苑不復用唐本注云白苑即女苑也療體與紫苑同無紫苑時亦用白苑陶云不復用或是未悉臣禹錫等謹按藥性論云紫苑臣味苦平能治尸疰補虛下氣及

肖脅逆氣治百邪鬼魅勞氣虛熱日華子云調中及肺痿吐血消痰止渴潤肌膚添骨髓形似重臺根作節紫

色潤軟者佳

圖經曰

紫莞生房陵山谷及真定邯鄲今耀成泗壽台
孟州興國軍皆有之三月內布地生苗紫其葉

三四相連五月六月內開黃紫白花結黑子本有白毛
根甚柔細二月三月內取根陰乾用又有一種白者名

白莞蘇恭云白莞即安莞也療體並同無紫莞時亦可
通用女莞下自有條今人亦稀用古今傳信方用之最

要近醫療久嗽不差此方甚佳紫莞去蘆頭欸冬花各
一兩百部半兩三物搗羅為散每服一錢匕生薑三片

烏梅一箇同煎湯調
下食後欲卧各一服

唐本餘

治氣喘
陰痿

雷公云

凡使先去髭有白如練色者號曰羊鬚草自然
不同採得後去頭刮淨用東流水淘洗令淨用

蜜浸一宿至明於火上焙
乾用凡修一兩用蜜二分

千金方

治婦人卒不得小便紫苑末以井花水服三撮便通小便血服五撮立止

斗門方

治鱷猴風猴閉飲食不通欲死者用返魂草根一莖淨洗內入喉中待取惡涎出即差神効更


以馬牙消津嚥之即絕根本一名紫苑又南中呼為液牽牛是也

衍義曰

紫苑用根其根柔細紫色益肺氣經具言之唐本注言無紫苑時亦用白苑白苑即女苑也今

本草無白苑之名蓋唐修本草時已刪去

單州紫草




紫

草



東 京 紫 草



紫草味苦寒無毒主心腹邪氣五疸補中益氣利九竅

通水道療腹腫脹滿痛以合膏療小兒瘡及面皴側加切

一名紫丹一名紫芙反哀老生碭山山谷及楚地三月採

根陰乾之陶隱居云今出襄陽多從南陽新野來彼人種

平氏陽山紫草特好魏國以染色殊黑北年東山亦種

貌苗似蘭香莖赤節青花紫白色而實白臣禹錫等謹

按廣雅云紫草一名並莖藥性論云紫草可單用味甘

平能治惡瘡癰癰
圖經曰紫草生碭山山谷及楚地今處處有之人家園

圃中或種蒔其根所以染紫也爾雅謂之貌廣

雅謂之茈菟苗以蘭香莖赤節青二月有花紫白色秋
實白三月採根陰乾古方稀見使今醫家多用治傷寒
時疾發瘡癰不出者以此作藥使其發出韋宙獨行
方治豌豆瘡紫草湯飲後人相承用之其効尤速

雷公云

凡使須用蠟水熬之待水乾取去頭并兩畔
細剉用每修事紫草一斤用蠟三兩於鑊

中銕盡便投
蠟水作湯用

聖惠方

治惡蟲咬人用
紫草油塗之

又方

治卒小便淋瀝痛用紫草一兩搗羅為散每於食
前以井花水調下二錢匕產寶治淋瀝產後同

經驗後方


治嬰兒童子患疹豆疾用紫草二兩細剉以
百沸湯一大盞泡便以物合定勿令氣漏放

如人體溫量兒大小服半合至
一合服此瘡雖出亦當輕減


絳州前胡



江寧府前胡




成州前胡



建州前胡



溜州前胡



前胡味苦微寒無毒主療痰滿脅中痞心腹結氣風

頭痛去痰實下氣治傷寒寒熱推陳致新明目益精二

月八月採根暴乾

云半夏為之使惡皂莢畏藜蘆陶隱居

而本經上品有柴胡而無此晚來醫乃用之亦有畏惡明畏惡非盡出本經也此近道皆有生下濕地出吳興

者為勝臣禹錫等謹按藥性論云前胡使味甘辛能去熱實下氣主時氣內外俱熱單煮服佳日華子云治一

切勞下一切氣止嗽破癥結開胃下食通五藏主霍亂轉筋骨節煩悶反胃嘔逆氣喘安胎小兒一切疳氣越

衛婆陸等處皆好七月八月採外黑裏白

圖經曰

前胡舊不著所出州土今陝西梁漢江淮荆襄州鄉及相州孟州皆有之春生苗青白色似斜

萬初出時有白芽長三四寸味甚香美又似芸蒿七月
內開白花與蔥花相類八月結實根細青紫色二月八
月採暴乾今鄜延將來者大與柴胡相似但柴胡赤色
而脆前胡黃而柔軟不同耳一說今諸方所用前胡皆
不同京師北地者色黃白枯脆絕無氣味江東乃有三
四種一種類當歸皮斑黑肌黃而脂潤氣味濃烈一種
色理黃白似人參而細短香味都微又有如草烏頭膚
黑而堅有兩歧為一本者食之亦戟人咽喉中破以
薑汁漬搗服之甚下膈解痰實然皆非前胡也今最上
者出吳中又壽春生者皆類柴胡而大氣芳烈味亦濃
苦療痰下氣最
要都勝諸道者

雷公云


凡使勿用野蒿根緣真似前胡只是味粗酸
若誤用令人胃反不受食若是前胡味甘微

苦凡修事先用刀刮去蒼黑皮并髭泥土
細剉用甜竹漚浸令潤於日中燉乾用之

外臺秘要

治小兒夜啼前胡搗篩蜜丸如小豆日
服一丸熟水下至五六丸以差為度

江寧府敗醬



敗醬味苦鹹平微寒無毒主暴熱火瘡赤氣疥癰疽痔
馬鞍熱氣除癰腫浮腫結熱風痺不足產後疾痛一名

鹿腸一名鹿首一名馬草一名澤敗生江夏川谷八月

採根暴乾

陶隱居云出近道葉似栝蒼根形似柴胡氣如敗豆醬故以為名唐本注云此藥不出近

道多生崗嶺間葉似水蓎及薇銜叢生花黃根紫作陳
醬色其葉殊不似栝蒼也臣禹錫等謹按藥性論云鹿

醬臣敗醬是也味辛苦微寒治毒風癰疽主破多年凝
血能化膿為水及產後諸病止腹痛餘疥煩渴日華子

云味酸治赤眼障膜努肉聾耳血氣心腹痛破癥結產
前後諸疾催生落胞血暈排膿補癰鼻洪吐血赤白帶

下瘡瘰癧丹毒又
名酸益七八十月採

圖經曰

敗醬生江夏川谷今江東亦有之多生崗嶺間業似水蓼及薇銜叢生花黃根紫色似柴胡作

陳敗豆醬氣故以為名八月採根暴乾用張仲景治腹癰腹有膿者薏苡仁附子敗醬湯薏苡仁十分附子二

分敗醬五分三物搗為末取方寸七以水二升煎取一升頓服之小便當下愈

雷公云

凡使收得後便麤杵入甘草葉相拌對蒸從已至未出焙乾去甘草葉取用

楊氏產乳

治蠅蝮屎繞腰者煎敗醬汁塗之差

江寧府白鮮



鮮白州涂



白鮮味苦鹹寒無毒主頭風黃疸欬逆淋瀝女子陰中
腫痛濕痺死肌不可屈伸起止行步療四肢不安時行
腹中大熱飲水欲走大呼小兒驚癇婦人產後餘痛生

上谷川谷及冤句四月五月採根陰乾

惡蠅蝟結梗莢
荅草薜陶隱居

云近道處處有以蜀中者為良俗呼為白羊鮮音仙氣
息正似羊羶或名白羶唐本注云此藥葉似茅莖苗高
尺餘根皮白而心實花紫白色根宜二月採若四月五
月採便虛惡也臣禹錫等謹按藥性論云白鮮皮臣治
一切熱毒風惡諸症瘡疥癬赤爛眉髮脫脆皮飢急此
熱惡寒主解熱黃酒黃急黃穀黃勞黃等良日華子云
通關節利九竅及血脈并一切風痺筋骨弱乏通小腸
水氣天行時疾頭痛眼疼根皮良花功用同上亦可作

菜食又名
金雀兒椒

圖經

曰白鮮生上谷川谷及宛句今河中江寧府滁州潤州亦有之苗高尺餘莖青葉稍白如槐亦似

菜莖四月開花淡紫色似小蜀葵根似蔓菁皮黃白而心實四月五月採根陰乾用又云宜二月採差晚則虛惡也其氣息都似羊羶故俗呼為白羊鮮又名地羊羶又名金雀兒椒其苗山人以為菜茹葛洪治鼠瘻已有口膿血出者白鮮皮煮汁服一升當吐鼠子乃愈李兵部手集方療肺嗽有白鮮皮湯方甚妙

漿

酸



酸漿味酸平寒無毒主熱煩滿定志益氣利水道產難

吞其實立產一名醋漿生荆楚川澤及人家田園中五

月採陰乾

陶隱居云處處人家多有葉亦可食子作房

除熱亦主黃病多效臣禹錫等謹按蜀本云根如蘗片
白色絕苦搗其汁治黃病多效爾雅云歲寒漿注今酸

漿草江東人
呼曰苦歲

圖經曰

酸漿生荆楚川澤及人家田園中今處處有之
苗似水茄而小葉亦可食實作房如囊囊中有

子如梅李大皆赤黃色小兒食之尤有益可除熱根似
蘗片色白絕苦搗其汁飲之治黃病多效五月採陰乾

爾雅所謂歲音針寒漿郭璞注云今酸漿
草江東人呼為苦歲是也今醫方稀用

千金方

治婦人赤白帶下三葉酸草

靈苑方

治卒患諸淋遺瀝不止小便赤澁疼痛三葉酸漿草人家園林亭檻中著地開黃花味酸者是

取嫩者淨洗研訖自然汁一合酒一合攪湯煖令空心服之立通


衍義曰

青酸漿今天下皆有之苗如天茄子開小白花結青殼熟則深紅殼中子大如櫻亦紅色櫻中腹

有細子如落蘇之子食之有青草氣此即苦耽也今圖經又立苦耽條顯然重複本經無苦耽



滌州紫參



晉州紫參

金匱要略卷八


卷八



濠州紫參



眉州紫參



紫參味苦辛寒微寒無毒主心腹積聚寒熱邪氣通九竅利大小便療腸胃太熱唾血衄血腸中聚血癰腫諸瘡止渴益精一名牡蒙一名衆戎一名童腸一名馬行

生河西及冤句山谷三月採根火炙使紫色

畏辛美陶隱居云今

方家皆呼為牡蒙用之亦少唐本注云紫參葉似羊蹄紫花青穗皮紫黑肉紅白肉淺皮深所在有之牡蒙葉似及已而大根長尺餘皮肉亦紫色根苗並不相似雖一名牡蒙乃王孫也紫參京上見用者是出蒲州也臣禹錫等謹按吳氏云牡蒙神農黃帝苦季氏小寒生河西或高山圓聚生根黃赤有文皮黑中紫五月華紫赤實黑大如豆藥性論云紫參味苦能散瘀血主心腹堅脹治婦人血閉不通

圖經曰

紫參生河西及崑山山谷今河中解晉齊及淮

蜀州郡皆有之苗長一二尺根淡紫色如地黃

狀莖青而細葉亦青似槐葉亦有似羊蹄者五月開花

白色似蔥花亦有紅紫而似水紅者根皮紫黑肉紅白

色肉淺而皮深三月採根大莖令紫色又云六月採曬

乾用張仲景治病紫參湯主之紫參半斤甘草二兩以


水五升煎紫參取二升內

甘草煎取半升分溫三服


并州藁本



威勝軍藁本



寧化軍藥本



藁本味辛苦溫微溫微寒無毒主婦人疝瘕陰中寒腫痛腹中急除風頭痛長肌膚悅顏色辟霧露潤澤療風邪驛曳金瘡可作沐藥面脂

實主風流四肢一名鬼御一名地新一名微莖生崇山

山谷正月二月採根暴乾三十日成

惡菌茹陶隱居云俗中皆用芎藭根

鬚其形氣乃相類而桐君藥錄說芎藭苗似藁本論說花實皆不同所生處又異今東山別有藁本形氣甚相似惟長大爾唐本注云藁本莖葉根味與芎藭小別以其根上苗下似藁根故名藁本今出宕州者佳也臣禹錫等謹按藥性論云藁本臣微溫畏青荊子能治一百六十種惡風鬼疰流入腰痛冷能化小便通血去頭風


疵胞日華子云治痢疾
并皮膚疵好酒臚粉刺

圖經曰

藁本生崇山山谷今西川河東州郡及兗州杭
州有之葉似白芷香又似芎藭但芎藭以水芹

而大藁本葉細耳根上苗下似禾藁故以名之五月有
白花七八月結子根紫色正月二月採根暴乾三十日
成

海州石韋



石韋味苦甘平無毒主勞熱邪氣五癰閉不通利小便

水道止煩下氣通膀胱滿補五勞安五藏去惡風益精

氣一名百韠

之夜

一名石皮用之去黃毛毛射人肺令

人欬不可療生華陰山谷石上不聞水及人聲者良二

月採葉陰乾

滑石臣禹錫等謹按蜀本作絡石杏仁為之使得菖蒲良陶隱居云蔓延石上生葉

如皮故名石韋今處處有以不聞水聲及人聲者為良

出建平者葉長大而厚唐本注云此物叢生石傍陰處

不蔓延生生古瓦屋上名瓦韋用療淋亦好也臣禹錫等謹按藥性論云石韋使微寒治勞及五淋胞囊結熱

不通膀胱熱滿日華子云治淋瀝遺溺入藥須微炙用

圖經曰

石韋生華陰山谷石上今晉絳滌海福州江寧府皆有之叢生石上葉如柳皆有毛而斑點如

皮故以名之以不聞水聲者良二月七月採葉陰乾用南中醫人炒末冷酒調服療發背甚效石韋一名石皮而福州自有一種石皮三月有花其月採葉煎浴湯主風又有生古瓦屋上者名瓦韋用治淋亦佳




興元府草薺




荆門軍草解

金匱要略

卷八




邛州單解



成德軍草解

金匱要略

卷八



葶藶味甘平無毒主腰背痛強骨節風寒濕周痺惡
瘡不瘳熱氣傷中悲怒陰痿失溺關節老血老人五緩

一名赤節生真定山谷二月八月採根暴乾薏苡為之使畏葵根

大黃柴胡牡蠣陶隱居云今處處有亦似葶藶而小異
根大不甚有角節色小淺唐本注云此藥有二種莖有
刺者根白實無刺者根虛軟內軟者為勝葉似薯蕷蔓
生臣禹錫等謹按藥性論云葶藶能治冷風痺痺腰脚
不遂手足驚掣主男子墜腰痛久冷是腎間有膀胱宿
水博物志云葶藶與葶藶相亂日華子云治癰緩軟風
頭旋癰疾補水藏腎筋骨益精明
目中風失音時人呼為白葶藶

圖經曰

葶藶生真定山谷今河陝京東荆蜀諸郡有之
根黃白色多節三指許大苗葉俱青作蔓生葉

作三叉似山芋又似菜豆葉花有黃紅白數種亦有無
花結白子者春秋採根暴乾舊說此藥有一種莖有刺
者根白實無刺者根虛軟以軟者為勝今成德軍新產
者根亦如山芋體硬其苗引蔓葉似蕎麥子三稜不拘
時月採其根用利刀切作片子暴乾用之正元廣利方
療丈夫腰脚痺緩急行履不穩者以草薺三錢四分合
杜仲八分搗篩每早溫酒和服三錢匕增至
五匕禁食牛肉又有草薺丸大方功用亦同


孫尚藥

治腸風痔漏如聖散草薺細剉貫衆逐葉擘
下了去土等分搗羅為末每服二錢溫酒調

下空心
食前服

蘅

杜



杜蘅味辛溫無毒主風寒欬逆香人衣體生山谷三月

三日採根熟洗暴乾

異陶隱居云根葉都似細辛惟氣小

服之令人身衣香山海經云可療瘰癧唐本注云杜蘅葉似葵形如馬蹄故俗云馬蹄香生山之陰水澤不濕地

根似細辛白前等今俗以及已代之謬矣及已獨莖莖端四葉葉間白花殊無芳氣有毒服之令人吐惟療瘡

疥不可亂杜蘅也臣禹錫等謹按爾雅云杜土鹵注杜蘅也似葵而香山海經云天帝山有草狀如葵其臭如杜

蘅蕪名曰杜蘅可以走馬食之已瘰郭璞注云帶之令人便馬或曰馬得之而健走藥性論云杜蘅使能止氣

奔喘促消痰飲破留血主項間瘤瘰之疾

圖經曰

杜蘅舊不著所出州土今江淮間皆有之苗葉都似細辛惟香氣小異而根亦麓黃白色葉似

馬蹄故名馬蹄香三月三日採根熟洗暴乾謹按山海經云天帝之山有草狀如葵其臭如蘼蕪名曰杜衡可以走馬食之已癭郭璞注云帶之可以走馬或曰馬得之而健走爾雅謂之杜又名土鹵然杜若亦名杜衡或疑是杜若據郭璞注云似葵而香故知是此杜衡也今人用作浴湯及衣香甚佳

衍義曰

杜衡用根似細辛但根色白葉如馬蹄之下市者往往亂細辛須如此別之爾雅以謂似葵而

香是也將杜衡與細辛相對便見真偽况細辛惟出華州者良杜衡其色黃白拳局而脆乾則作圓

滌州白薇



白薇味苦鹹平大寒無毒主暴中風身熱肢滿忽忽不知人狂惑邪氣寒熱酸疼瘰癧洗洗發作有時療傷中淋露下水氣利陰氣益精一名白幕一名薇草一名春草一名骨美久服利人生平原川谷三月三日採根陰乾惡黃耆大黃大戟乾薑乾漆山茱萸大棗陶隱居云近道處處有根狀似牛膝而短小爾方家用多療驚

邪風症能治病臣禹錫等謹按藥性論云白薇臣能治忽忽睡不知人百邪鬼魅

圖經曰白薇生平原川谷今陝西諸郡及滌舒潤遼州亦有之莖葉俱青頗類柳葉六七月開紅花八

月結實根黃白色類牛膝而短小三月三日採根陰乾用今云八月採非

雷公云凡採得後用糯米泔汁浸一宿至明取出
去麤了於槐砧上細剉蒸從已至申出用

[illegible]


成德軍菽英



海州荻



江州菹



江寧府荻莢

江寧府志

卷八



菰

蒲八切

葵

棄八切

味甘平溫無毒主腰背寒痛風痺益血

氣止小便利生山野二月八月採根暴乾

陶隱居云此有三種大畧

根苗並相類葵莖紫短小多細刺小減草薺而色深人用作飲唐本注云陶云三種相類非也草薺有刺者

葉粗相類根不相類草薺細長而白葵葵根作塊結黃赤色殊非狗脊之流也臣禹錫等謹按日華子云治時疾

瘟瘡葉治風腫止痛撲損惡瘡以鹽塗傳佳又名金剛根又名王瓜草

圖經曰

菰葵舊不載所出州土但云生山野今近京及江浙州郡多有之苗莖成蔓長二三尺有刺其

葉如冬青烏藥葉又似菱葉差大秋生黃花結黑子櫻挑許大其根作塊赤黃色二月八月採根暴乾用江浙間人呼為金剛根浸赤汁以煮粉食云馱之可以辟瘴其葉以鹽搗傳風腫惡瘡等俗用有效田舍貧家亦取

以釀酒治風毒脚
弱痺滿上氣殊佳

信州大青



大青味苦大寒無毒主療時氣頭痛大熱口瘡三四月

採莖陰乾

陶隱居云療傷寒方多用此本經又無今出東境及近道長尺許紫莖除時行熱毒為良

唐本注云大青用葉兼莖不獨用莖也臣禹錫等謹按藥性論云大青臣味甘能去大熱治溫疫寒熱日華子

云治熱毒風心煩悶渴疾口乾小兒身熱疾風癰天行熱疾及金石藥毒兼塗罽腫毒


圖經曰

大青舊不載所出州土今江東州郡及荆南眉蜀濠淄諸州皆有之春生青紫莖似石竹苗葉

花紅紫色似馬薊亦似芫花根黃三月四月採莖葉陰乾用古方治傷寒黃汗黃疸等有大青湯又治傷寒頭身強腰脊痛葛根湯亦用大青大抵時疾藥多用之

姜

女



女萎味辛溫主風寒洒洒霍亂洩痢腸鳴遊氣上下無

常驚癰寒熱百病出汗李氏本草云止下消食唐其本注

似白欽蔓生花白子細荆襄之間名為女萎亦名蔓楚

止病有效用苗不用根與萎蕤全別今太常謬以為白

頭翁者是也

唐本先附


圖經

文具萎蕤條下

雷公云

凡採得陰乾去頭并白藥於槐砧上剉拌豆淋酒蒸從已至未出熬令乾用

石 香 菜



石香葉味辛香溫無毒主調中溫胃止霍亂吐瀉心腹
脹滿臍腹痛腸鳴一名石蘇生蜀郡陵榮資簡州及南
中諸處在山巖石縫中生二月八月採苗莖花實俱用

附今

衍義曰石香葉處處有之不必山巖石縫中但山
中臨水附崖處或有之九月十月尚有花

二十二種陳藏器餘

兜納香味甘溫無毒去惡氣溫中除暴冷廣志云生剽
國魏畧曰大秦國出兜納香

海藥

謹按廣志云生西海諸山味辛平無毒主惡瘡腫癰止痛生肌並入膏用燒之能辟遠近惡氣

帶之夜行壯膽安神與茱萸香柳枝合為湯浴小兒則易長

風延母味苦寒無毒小兒發熱發強驚癇寒熱熱淋解煩利小便明目主蛇犬毒惡瘡癰腫黃疸並煮服之細葉蔓生纓繞草木南都賦云風衍蔓延於衡臯是也

海藥

謹按徐表南州記生南海山野中主三消五淋下痰小兒赤白毒痢蛇毒瘴溪等毒一切瘡腫

並宜煎服祇出南中諸無所出也

耕香味辛溫無毒主臭鬼氣調中生烏許國南方草木

狀曰耕香莖生細葉

大瓠藤水味甘寒無毒主煩熱止渴潤五藏利小便藤如瓠斷之水出生安南太康地記曰朱崖儋耳無水處種用此藤取汁用之

海藥

臣謹按太原記云生安南朱崖上彼無水淮大瓠中有天生水味甘冷香美主解大熱止煩渴

潤五藏利水道彼人造飲饌皆瓠也

筋子根味苦溫無毒主心腹痛不問冷熱遠近惡鬼氣注刺痛霍亂蠱毒暴下血腹冷不調酒飲磨服生四明

山苗高尺餘葉圓厚光潤冬不凋根大如指亦名根子
土芋味甘寒小毒解諸藥毒生研水服當吐出惡物盡
便止煮食之甘美不飢厚人腸胃去熱嗽蔓如豆根圓
如卵鷄鵝食後彌吐人不可食

優殿味辛溫去惡氣溫中消食生安南人種為茹南方
草木狀曰合浦有優殿人種之以豆醬汁食芳香好味
土落草味甘溫無毒主腹冷疼氣瘕癖作煎酒亦搗絞
汁溫服葉細長生嶺南山谷土人服之

獐菜

猪孝切

味辛温無毒主冷氣腹内久寒食飲不消令

人能食字林曰獐辛菜南人食之去冷氣

必似勒味辛温無毒主冷氣胃閉不消食心腹脹滿生
崑崙似馬蘭子

胡面莽味甘温去疰癖及冷氣止腹痛煮之生嶺南葉
如地黃

海蘊味鹹寒無毒主癭瘤結氣在喉間下水生大海中
細葉如馬尾似海藻而短也

百丈青味苦寒平無毒主解諸毒物天行瘡癰疫毒並
煮服亦生搗絞汁生江南林澤藤蔓緊硬葉如薯蕷對
生根服令人下痢

斫合子無毒主金瘡生膚止血搗碎傳瘡上葉主目熱
赤按滴目中云昔漢高帝戰時用此傳軍士金瘡故云
斫合子籬落間藤蔓生至秋霜子如柳絮一名薰桑一
名鷄腸

獨自草有大毒煎傳箭鏃人中之立死生西南夷中獨

莖生續漢書曰出西夜國人之輒死今西南夷獠中
猶用此藥傳箭鏃解之法在拾遺石部鹽藥條中

金釵股味辛平小毒解諸藥毒人中毒者煮汁服之亦
生研更烈必大吐下如無毒亦吐去熱痰瘡癰天行蠱
毒喉閉生嶺南山谷根如細辛三四十莖一名三十根
釵子股嶺南人用之

博落迴有大毒主惡瘡癰根瘤贅瘕肉白癰風蠱毒精
魅溪毒已上瘡癰者和百文青雞桑灰等為末傳癰瘡

蠱毒精魅當有別法生江南山谷莖葉如草麻莖中空
吹作聲如博落迴折之有黃汁藥人立死不可入口也
毛建草及子味辛溫有毒主惡瘡癰腫疼痛未潰煎搗
葉傳之不得入瘡令人肉爛主瘡令病者取一握微碎
縛臂上男左女右勿令近肉便即成瘡子和薑搗破破
冷氣田野間呼為猴蒜生江東澤畔葉如芥而大上有
毛花黃子如蒺藜又有建有毒生水旁葉似胡芹未間
餘功大相似

數低味甘溫無毒主冷風冷氣下宿食不消脹滿生西蕃北土亦無有似茴香胡人作羹食之

仰盆味辛溫有小毒主蠱飛尸喉閉水磨服少許亦磨傳皮膚惡腫生東陽山谷苗似承露仙根圓如仰盆子大如鷄卵

離鬲草味辛寒有小毒主癰瘕丹毒小兒無辜寒熱大腹痞滿痰飲膈上熱生研絞汁服一合當吐出背膈間宿物生人家階庭濕處高三二寸苗葉似幕麗去瘡為

上江東有之北土無

盧藥味鹹溫無毒主折傷內損瘀血生膚止痛主產後
血病治五藏除邪氣補虛損乳及水煮服之亦搗碎傳
傷折處生胡國似乾茅黃赤色



證類本草卷八